

餘烈豈非



餘姚縣志卷二十五



列女傳一 梁明二后仍舊志冠於卷首不另標目其餘悉以時代為次

梁文宣太后

高祖阮修容諱令羸本姓石高祖納為綵女天監六年生世祖尋拜為修容常隨世祖出藩大同六年六月薨於江州內寢時年六十七歸葬江寧縣通望山謚曰宣世祖即位有司奏追崇為文宣太后承聖二年追贈太后父齊故奉朝請靈寶散騎常侍左衛將軍封武康縣侯邑五百戶母陳氏武康侯夫人 梁書本傳 康熙志阮太后父石靈元年選入生元帝為修容賜姓阮氏 乾隆府志案元帝紀帝母在祿女次侍始襄戶幔有風回裾帝意感幸之叔女夢月墮懷中遂孕天監七年八月丁巳生帝舉室中非常香有紫胞之異武帝奇之因賜綵女姓阮進為修容

卷二十五

列女傳一

明孝端顯皇后

神宗孝端皇后王民生京師萬曆六年册立為皇后性端謹事孝定太后得其懽心光宗在東宮危疑者數矣調護備至鄭貴妃顯寵后不較也正位中宮者四十二年以慈孝稱四十八年四月崩謚孝端光宗即位上尊謚曰孝端貞恪莊惠仁明媿天毓聖顯皇后會帝崩熹宗立始上册寶合葬定陵主祔廟 明史本傳 乾隆府志引萬曆志后年為抽取民兵隨駕入京充校尉陞錦衣衛百戶子賢順天府學貢生歷鎮江府教授賢子杞中武科除定海衛鎮撫杞子正入郎縣學例貢為國子生正子偉生女一選中宮萬曆六年大婚禮成賜偉承年伯子棟錦衣衛指揮僉事 黃宗義書神宗皇后事雙雁鄉小聚落有上黃南黃因其姓以名其地皆宋名萬河者支庶也明初句軍最苦黃氏皆改為王成化間宗伯黃瑜提學黃韶教諭黃伯川始復本姓先是洪武十九年上黃王蘊充軍入京積功至



錦衣衛百戶歷五世賢杞正偉未嘗復姓偉有女名喜姪  
神宗選爲皇后萬歷六年二月英國公冊立張居正奪情  
副之神宗問后近屬時新建伯王正億方貴盛后遂以正  
億對及偉封承年伯餘姚兩伯皆歸王氏於是偉之近屬  
在上黃者復由黃而改爲王毛奇齡勝朝形史拾遺萬  
歷朝皇后王氏餘姚人父偉以后貴封承年伯上丁承平  
久好靜攝一切章奏盡留中不下后封識藏弄每語一事  
卽隨取上之宮中皆稱后德比孝貞焉四十八年崩先葬  
定陵未及上尊諡光宗崩熹宗立始舉大禮主祔廟后與  
新建伯守仁同族時守仁孫承勳方襲爵上嘗問后家有  
官乎后對曰猶記新建伯妾猶子行也見在京翌日召見  
坤寧宮賞資甚厚因奉差爲南京守備十九年提督操江  
掛漕運總兵官印三十五年加太子太傅用  
皇親品服時稱餘姚王氏有二伯聞者榮之

晉

虞潭母孫氏富春人吳主權族孫女也初適潭父忠恭順  
貞和甚有婦德及忠亡遺孤藐爾孫氏雖少誓不改節躬  
自撫養劬勞備至性聰敏識鑒過人潭始自幼童便訓以

餘姚縣志

卷三十五

列女傳一

晉 二

忠義故得聲望允洽爲朝廷所稱永嘉末潭爲南康太守  
值杜弢搆逆率眾討之孫氏勉潭以必死之義俱傾其資  
產以餽戰士潭遂尅捷及蘇峻作亂潭時守吳興又假節  
討峻孫氏戒之曰吾聞忠臣出孝子之門汝當舍生取義  
勿以吾老爲累也仍盡發其家僮令隨潭助戰質其所服  
環佩以爲軍資於時會稽內史王舒遣子允之爲督護孫  
氏謂潭曰王府君遣兒征汝何爲獨不潭卽以子楚爲督  
護與允之合勢其憂國之誠如此拜武昌侯太夫人加金  
章紫綬潭立養親堂於家王導以下皆就拜謁咸和末卒  
年九十五成帝遣使弔祭諡曰定夫人

晉書本傳

虞預女富春孫晷妻也預與兒喜並有高名世家多求預



女預擇婿未有許者晷年少孝友世家亦多願妻之皆無所許獨慕喜兄弟行誼於是聘預女女家奕世富貴妝遺甚富晷亦侯家子吳伏波將軍秀之曾孫而常布衣蔬食躬耕隴畝女之歸也其父叔戒之曰棄華從質以諧夫子女迺奉父之教察晷之心甘淡泊躬辛苦亡富貴之態而樂儉素如固然晷甚安之相與耕織以給衣食事親讀書怡然自適君子以爲梁鴻夫婦嘉靖志

唐

姚娘貞觀時人佐夫勤儉成家好施與周里黨鄉人感其惠姚嘗曰何有何亡黽勉求之凡民有喪匍匐救之沒後里人思慕不已祠祀廟山東麓名姚娘廟今圯乾隆府志引東山志

餘姚縣志

卷二十五

列女傳一

唐

三

宋

胡宗伋妻莫氏通經學曉音律作詩文如慧男子女紅之事不習而能年踰三十擇配未嫁聞宗伋賢許嫁之夫婦志合敬恭如賓而以詩書朝夕相摩甚相樂也姑宣屬疾莫顛天焚香焚臂祈代鄉人憐之爲作孝婦詞案乾隆志誤作詞宗伋好急義莫副之無怠宗伋嘗開義學教訓鄉族子弟館穀之莫脫簪珥治具無吝宗伋嘗挈妻子就南宮試客久甚困親故勸之歸莫持不可日助宗伋訓學徒給衣糧必成名乃歸遭金兵犯闕倉卒南奔宗伋感疾良苦莫勞勉之曰丈夫當如是強志報其弟姪書謂定翁父子自恨儒生無可報國死生非所論其顛沛引義慷慨如此門人



孫介輯其書以比曹氏七誠嘉靖志

汪氏二貞女父僧一長寶蓮受劉義門聘次淨蓮受上虞

李光孫聘二婿相繼卒二女私誓曰我等雖未成婦然受

聘矣可再許纓邪苦守堅貞終身無玷乾隆府志  
引東山志

孫介妻張氏子應時幸常熟縣為郡將拊撫被鐫降張曰

但不得罪於公論足矣窮達非所計也應時閒廢累年不

肯附權臣求進菽水不繼人皆勉以祿仕張獨未嘗一語

曰使吾兒失節以為養不如麤糲為甘燭湖集

莫子純母虞氏生而詩書若素習既歸莫屏抑聰明一家

麤重晝夜辛苦無所厭忽而高筆雅韻常在事外夫死焚

約棄責趣其子子純學後子純發解南宮及廷試俱第一

餘姚縣志 卷二十五 列女傳一 宗 四

虞無喜色時虞已老憂不及覩其成歎曰花朵既開只看

花無澆者矣已而子純連外補虞亦無愠容常曰吾憂吾

兒不及古人他復何覩後子純卒能以節義自持為時名

臣虞之賢成之也嘉靖志

高公亮妻戴氏衢州人父樸世稱奇士戴六歲父沒已不

勝其哀長涉書傳習筆札凡所長未嘗銜於外母舅豐誼

愛之擇公亮妻焉舅國佐生理素薄而收卹孤遺用常不

給戴質服珥以進無吝色舅姑沒佐其夫執喪哀慕不懈

竭力治葬家益落攻苦食淡怡然自若公亮多出周旋諸

賢間或彌年歷月無內顧憂以戴善處貧也孫應時撰  
墓誌銘

李友直妻史氏太師浩女也少讀書識義理年十九歸友



直事舅姑謹身持家  
極哀比葬猶不茹葷歲時祀事

獨滌鼎俎  
之雖甚寒暑無怠性無矯飾平居儉約

謙謹見者  
孫應時撰墓誌銘

莫友妻葉氏慈給人年三十夫沒屏膏沐自閉匿保抱一

子二女使就學知禮法日夜紡績處大族閉承上接下無

閒言子叔龍年不四十亦死一孫始生不半歲又死於是

立從孫為後常曰天不弔我既重罰我吾撫教此孫庶幾

有立猶不負莫氏之先廟其綜理細大惠顧戚疏一如平

日年六十九  
孫應時撰墓誌銘

岑斌妻王氏早寡或利其貲裝欲強委禽王曰留貲以買

禍不如結義於是盡散以周宗黨甘自衣麤食淡勤苦織

餘姚縣志  
卷二十五  
列女傳一  
宋 五

經朝夕訓其遺孤全曰吾與汝不幸孤寡汝苟不學是彰

父之早死明吾之不慈也及全登科有官訓之曰汝不及

事父幸得事君無苟祿位愧既死之父辱未亡之身有司

欲上其事於朝王泣令全謝曰婦人最不幸夫早死以保

有其遺孤又何以不幸聞卒年八十二  
嘉靖志全自有傳

胡辛一妻萬氏事舅姑甚孝持家嚴正得大體辛一毀清

秀寺寺僧賄所知以冥報說萬氏萬曰寺僧不法當毀逐

吾方懲慝之顧止之乎其不惑如此  
東山志

茹瑗妻倪氏元兵入境大肆淫掠瑗走見大帥面責之遂

被害倪聞與夫女弟瑩竝死明洪武初詔旌其閭曰一門

三烈  
東山志



元

王文榮妻張氏名妙真宣慰副使嘉閭母也性至孝事舅姑先意承志姑老且死祝曰願新嬪如我壽且後多賢以報新嬪孝云後生嘉閭兄弟五人延良師教之趣令從諸薦紳游以故嘉閭昆弟俱有才望妙真初以高年有德被旌至嘉閭貴封太原郡君壽百有四歲子孫曾玄幾百人如其姑之祝妙真豕孫伯純婦張氏年二十一而寡即自誓曰所不鞠吾孤奉吾舅姑毀節負吾夫吾無以出吾閭王氏族戚眾張為宗婦有志節閨門以為儀則州里上其事與妙真同日被旌世傳異之

嘉靖志

張義婦燭湖居民高氏女也許嫁而夫瞽張父母介媒者

餘姚縣志

卷二十五

列女傳一

元

六

曰吾子不幸瞽高氏女惟其改卜所歸父母將諾之女涕泣曰男女通名禍福無改命之所遭義無離貳今夫不幸瞽我遂棄之而彼卒以瞽受凍餒我何面目立人世耶父母悟卒歸於張鄉閭高其行號曰義婦

嘉靖志

姚孝女通德鄉吳氏婦也父早世母何無子養於女家泰定甲子冬鄉多虎一日女執爨而母出汲俄聞覆水聲女亟出視則虎銜其母去女追掣虎尾穎脫不可執因握拳毆虎虎驚舍其母母傷而未絕藥之獲愈奉母踰二十年

而卒

嘉靖志  
明史有傳

韓孚妻黃氏名妙權歸韓五月而寡以夫兄子資為後至正初守上塘千戶曳刺知其殊色欲娶之媒者以權貴勸



妙灌叱之曰千戶受朝命鎮撫民者乃欲奪寡婦志曳刺不敢強既而方國珍驍將葉某欲脅娶之操刃劃檻曰敢越此戶議婚者吾以頸血濺之葉聞而歎曰吾爲男子臨陳不能死彼婦人乃肯輕生誠羞之卒全其節

嘉靖志

楊彥廣妻董氏名淑貞仲安女也性行溫淑以孝謹聞適彥廣生子鎮甫歲餘彥廣死淑貞年十八姑老子幼其母憫其年盛欲奪而嫁之淑貞以死自誓屏膏沐躬紡績樹藝甘苦淡以業其家而養其姑姑甚安之姑病劇淑貞焚香禱天割股肉雜糜食之姑遂獲愈已而姑卒淑貞哀毀幾不能生閭里以聞表其門

嘉靖志

張正蒙妻韓氏山陰韓性女紹興兵變正蒙死難韓同縊餘姚縣志

卷二十五

列女傳一 元 七

女池奴投崖以殉次女越奴亦守屍餓死元史有傳

案事蹟詳

張正蒙傳

羅氏二節皆朱姓梅川人姑婦也姑早歲守志撫孤子至長娶婦生孫甫三齡子又卒姑婦藉紡績以活備歷艱苦其志弗回鄉里好義者往往稱兩氏志節其孫詳頗勤讀而祖母與母尤能力教之成人宋僖避兵寓其鄉爲賦詩

紀之 庸菴集

鄭傳一妻徐氏元季人傳一督理漕務過黃河溺死徐年未三十聞訃慟哭曰我夫沒於王事宜也特葬魚腹中爲慘耳遂毀容矢志撫其二孤比長教以詩書循循有法度子稍有過泣與杖俱下後二子並以孝友聞

闕幽錄



鄭劍南妾董氏年十六歸鄭嫡性妒酷虐之無幾微怨迫嫡卒劍南年已七十餘家業蕭索董事之謹劍南死董年僅三十無子竭力營葬苦守三十餘年

闕幽錄

明

盧仲良妻湯氏名展娥初仲良娶陳氏生子祥甫三歲陳死湯年十九歸盧結褵未久仲良病革臨死與湯訣曰吾向娶汝本期養親託幼今我復不幸非但幼無所託且遺親之悲又重以累汝因嗚咽不能言湯未及答而仲良絕湯跪牀前地矢曰我此身雖父母遺體今既不幸能不辱於義豈不有光於父母我終當奉君之親長君之孤一為君婦遂嚙指血灑口中復滴仲良口以為信因慟哭絕而

餘姚縣志

卷二十五

列女傳一

明 八

復蘇見者慘然及葬術家卜兆曰此為中勿易湯少偏之曰且留一穴待我三年有鄰嫗來為媒湯曰俟我入所留穴然後言年至六十未嘗為容鄉父老欲上其事湯聞之曰是吾職分上事奚以旌為人以是益賢之

趙攷古遺集

沈璿妻張氏永樂初璿父德莊任和州吏日父子相繼逝世遂家焉時氏年二十三生一子銘甫三歲姑哀之欲令改節氏泣曰妾無夫姑亦無子妾或他適姑何所依屢廢飲食奉姑教子卒年九十二

和州志

張員妻徐氏鄱陽人進士勉之之女也能讀書鼓琴為詩歌父母難其配見員有奇節歸之員家素豐饒至員愛義好施後乃不自給婦入門未嘗以貧苦少嬰其情時遇飲



食不繼與員終日清坐援琴而彈有遺世之心其姑年老被疾婦扶持保抱動旬浹廢櫛沐卽無恙時漱盥不少怠菽水之薄未始不得其歡心姑每歎曰傷哉吾貧久矣然吾得至今日吾子日熙熙而忘憂者抑吾子婦之力也

嘉靖員女適慈谿王伯壘員善識鑑常奇其女教之經義及

適伯壘生三子來工部尚書復刑部主事鼎御史終廣東僉事封太夫人相夫教子一以古人為法伯壘既沒手書箴訓諄諄以竭忠報主為規來征湖廣時手製汗衫遺之云非為不足汝所特使汝知我尚康庶得安心王事不以我老為念耳及凱還復戒以毋自矜伐以全居美之道母賢而子竝顯傳為盛事

乾隆通志雜記引餘姚縣志 卷二十五 列女傳一 明 九

孫原吉 案通志作元吉 乾隆志作原忠妻陳氏名妙善年十九而寡子汝

宗纔一歲父母憫其年少議改嫁妙善抱原吉主泣曰所未從君於地下者以姑老子幼耳今欲奪吾志且暮且相從奈幼子老姑何慟絕父母乃不敢復言妙善守志四十餘年有怨家訟言非節者汝宗嚙指自縊明母節表其閭事具汝宗傳

嘉靖魏仲遜妻霍氏名淑清歸仲遜以孝順聞產一女而仲遜

死淑清年方盛翦髮毀形自明其志以終身焉正統間詔

表其門 嘉靖

邵宏學妻汪氏少有至性年少夫亡有謀奪其志者汪拊膺慟絕良久得甦復欲自經先後謹守之乃免教育遺孤



坐臥一小樓行不踰閫終身無笑容至孫蕃成進士始下樓微笑不櫛沐者數十年髮蓬結如帽人呼爲搭帽太婆

嘉靖志參姚江事蹟案里人目其樓曰搭帽樓在東泰門今尙存

詔表揚之

王氏二節王紳妻范氏紳弟綺妻鄒氏也范二十而寡鄒

之寡加范一年遺孤俱幼父母舅姑恐其志不堅皆速之

嫁范乃斷髮自誓鄒恆佩刀衣閒約日有欲勸我嫁者願

以此刀加頸眾莫敢強妯娌相依勤苦織紉撫孤養老終其身詔俱旌之

嘉靖志

史錦妻楊氏林女也年二十一而寡親屬憫其年少無子

速之嫁楊仰天大慟曰妾聞婦人從夫死生無二妾雖無

子幸吾夫有弟在安知其無子無爲吾夫後者失節之婦

餘姚縣志

卷二十五

列女傳一 明 十

行同狗彘寧死不爲乃斷髮自誓躬紡績養姑凡十餘年

夫第生次子曰鵬揚育爲後又十年姑死而楊已老縣簿

劉希賢具以聞詔旌之

嘉靖志

顧氏二節蕙妻高第女蒞妻黃源女也蕙蒞兄弟皆少亡

各有一男俱在襁褓二節婦娣姒相依絕無他志初高氏

躬築蕙墓有烏飛集悲鳴墓成乃去蒞之喪貧未克葬鄰

火將及蒞棺黃伏棺號慟願與俱焚忽大雨反風火滅鄉

里異之上其節詔旌其閭

嘉靖志

胡鏜妻謝氏贈太傅瑩女也歸鏜生子三歲而鏜死謝年

二十餘舅姑已亡單隻無依或諷之嫁乃罵絕之鞠遺孤

躬力作業其家閨門推焉詔旌表之

嘉靖志 乾隆府志弘治



黃忠妻周氏年十七歸忠七月有妊而忠沒更七月產一男朝夕祝曰願天鑒此血誠俾吾兒成育吾夫有後吾志酬矣有欲奪其志者伸指引刀將斷自是莫敢有言更適者甘身貧苦衣食單缺未嘗嬰情然撫教其孤養其舅姑日夜紡績資給之白首不懈事聞被旌嘉靖志案乾隆吳天祚妻馮氏案乾隆府志馮顯女也夫病羸自分必死語馮曰慎勿辱我馮泣曰敢有二心鬼神殛之夫卒號慟屢絕勺飲不入口日抱其孤撫棺泣曰我之不卽從若死者爲此子耳其母家有欲強使改節者終身絕之事聞表其廬嘉靖志

毛暎妻潘氏侍御史楷女也年二十二而寡舅姑恐其未

餘姚縣志 卷二十五 列女傳一 明 十一

能從一止營一壙葬其夫潘哭曰安有生同室死可不同

穴者耶棄簪珥營二壙家罹大疫眾逃匿或速之潘曰我

寡婦可出毛氏戶耶且爲未亡人與死鄰耳死卽無畏其

後匿者皆疫潘獨無恙有司上其節詔顯其門嘉靖志

胡悅之妻黃氏名金蘭元理女也年二十五而嫠子在懷

抱舅姑恐其有他志嘗之曰惟汝所欲之金蘭慟不勝葬

其夫旁置一槨明不更適蓬頭突鬢勤苦業家教其子鐸

發解舉進士歷顯秩累贈太宜人表其賢節嘉靖志

滑志能妻汪氏字德清永言女也有女行歸滑五月而夫

死德清年二十家貧無子含哀茹荼防檢甚固晝夜紡績

以節自全事聞被旌嘉靖志乾隆府志天順二年旌



楊芸妻薛氏天順癸未芸以鄉貢試禮闈是年禮闈災芸  
焚死薛氏尙豐少誓無他志成化壬申大風雨水暴溢漂  
沒廬舍溺人室家奔徙薛獨處一小樓樓不堅妯娌趣使  
下樓同徙薛曰吾義不出此戶其志操如此詔旌表之後  
以子簡貴贈太孺人

嘉靖志 乾隆  
府志弘治開旌

姜榮妾竇氏名妙善京師崇文坊人年十五爲工部主事  
榮妾正德中榮以瑞州通判攝府事華林賊起寇瑞榮出  
走賊入城執其妻及婢數人問榮所在時妙善居別室急  
取府印開後窗投荷池衣鮮衣前日太守統援兵數千出  
東門捕爾等旦夕授首安得執吾婢賊意其夫人也解前  
所執數人獨輿妙善出城適所驅隸中有盛豹者父子被  
餘姚縣志

卷二十五

列女傳一

明 三

掠其子叩頭乞縱父賊許之妙善曰是有力當以昇我何  
得遽縱賊從之行數里妙善視前後無賊低語豹曰我所  
以留汝者以太守不知印處欲藉汝告之今當令汝歸幸  
語太守我自此前行過井卽畢命矣呼賊曰是不善昇  
可仍縱之易善昇者賊又從之行至花塢遇井妙善曰吾  
渴不可忍可汲水至井旁吾將飲賊如其言妙善至井旁  
跳身以入賊驚救不得而去豹入城告榮取印引至花塢  
覓井果得妙善屍越七年郡縣上其事詔建特祠賜額貞

烈

明史  
本傳

謝遷妻徐氏性慈和嫻女訓以賢孝稱弘治閒累封一品  
夫人嘗宣召入宮禮度雍容應對詳雅孝肅皇太后甚稱



賞賜金花一枝卒年七十餘遣官諭祭營葬事

東山志

謝選妻陸氏蘭野女也歸選三年而寡年二十二止一女誓不改行後數載選兄遷生次子丕陸撫為子教之甚有恩丕後發解及第官吏部侍郎累封太淑人詔旌其廬年八十六卒特賜祭葬又以節壽加賜寶鈔三千貫當世榮之

嘉靖志

胡宗廣妻何氏宗廣素抱羸疾一日登東邱語何曰樂哉斯邱吾死必葬焉其與爾其之乎未幾疾革何泣訣曰所不念樂邱之言者有如今日及營壙何即虛左隔以待時何年二十三子櫛甫二歲竭力撫之櫛事母亦至孝章宗

伯楓山為著節孝錄以表之

東山志

餘姚縣志

卷二十五

列女傳一

明 十三

徐文元妻章氏諸生備女也文元舉進士而死時章年二十八斷髮矢志家貧不能葬遭鄰家火作風張而夫柩在下風章望火泣拜願天反風已而果然正德壬申秋海盜水暴至柩已漂矣章伏柩號慟柩輒定躬織紵為衣食撫養其幼孤其後孤亦死章卒無二志詔為樹桓焉

嘉靖志

王氏二節燻妻陸氏灯妻陳氏也燻灯兄弟皆早世陳無子陸始妊燻病革謂陸曰汝年纔十八歸我僅數月勿自誤陸曰即君言誤耳君若死吾所姪子耶存以撫之否者與君偕死矣燻死陸刑面毀容哀不勝喪越七月產一子撫之如初言陳亦守志無違其父母諭之曰姆氏幸抱子汝乃何依空自苦陳曰吾知身為知子因斷髮誓其父母



立烜第之子爲嗣嗣復夭於是二節合資併食攻苦茹淡身不踰閩遇薦祭感愴相對涕泣終日嘉辰令節不作權笑容見之者亦爲罷權有司上其事並表之

嘉靖志

諸仕俊妻舒貞慶女也年十八歸仕俊數月仕俊將客授焉謂貞曰或謂我今年歲行不利客授奈何貞曰盍行也家所資焉不行人將謂我何於是敦趣之客未兩月計至貞哀慟輒絕爲位朝夕泣而奠曰嘗也奉湯曰饋也奉梳曰櫛也奉其故所衣服曰服也輒痛不自持聞者無不下涕如是者三月無一日不然仕俊骨歸貞親營墳瘞之去家一里而近時往展墓悲哀延佇不忍去每哭曰所未同穴者爲姑在也其姑念家貧謀嫁之貞曰甘紡績奉姑終餘姚縣志

卷二十五

列女傳一

册 古

身若嫁但有死耳慕貞者乃重賂貞父母貞知不免給父曰俟我薦夫畢惟父所欲適於是賣其裝擇日治齋供供畢漏下四十刻矣速其母與姑就寢乃沐浴衣之麻衣被以長衰牢結之截餘帶用素帛裹其足取夫婦舊所服御實一篋種火而自經俄而火熾眾驚赴之貞已絕矣時弘

治己酉十月三日云

嘉靖志

聞人才繼妻黃氏愷女也才以鄉貢病沒黃年十八無子家至貧無可恃或諷之嫁黃曰婦人之節固不係於貧與無子也且吾夫前妻之子在雖貧吾能鍼線紡績爲衣食計遂守志無變詔表其閭

嘉靖志

諸永言妻鄭氏年二十一而寡家徒壁立子選方二歲勢



莫能存夫兄通於鄰嫗誘之改適鄣罵絕之誓死不變以節壽終孫敬之登嘉靖戊戌進士疏請得旌

康熙志參  
乾隆志

吳江妻李氏蘭風鄉李四女也舅姑與夫俱感疫李周旋湯藥晝夜不息者旬月姑瘠而夫與舅俱死李哀毀斂葬之家故貧更此兩喪益無所賴含哀紡績養姑及其幼子而已恆凍餒時年才二十其明年澄水黃某謀娶焉其夫族吳琰者貪賄無恥人也黃厚賂琰使嘗其姑以劫之李誓死不從琰又百計令其親屬交勸更說卒無變志琰知終不可奪隱與黃氏及父家約稱其母暴病遣輿迎李令肩輿者輿至黃李氏不疑其詐倉卒登輿然非故道心異之數問輿者亦詐對已而及門非母家也姑亦尋至布几

餘姚縣志

卷二十五

列女傳一

明 五

席速李出輿成禮李度不可脫佯諾曰妾所以不欲嫁者爲姑老無依今姑既許之妾復何言然妾自夫沒後未嘗解帶澡身必湯沐乃成禮也又問其姑聘禮幾許姑以數對徐曰謹藏之辭色從容意以爲誠喜具湯湯至求如廁久不出闢戶視之則已經矣

嘉靖志

滑鳳妻陳氏歸滑未期而滑行賈荆湘間十一年不歸眾謂滑已死舅姑欲奪其志陳泣曰使鳳果死婦當以死事舅姑苟生還而媳婦已嫁婦固置不論在舅姑亦何以解其子乃斷髮誓之已而鳳果還數月復去無歸期時婦已舉一子舅姑就衰家業益落婦飢寒辛苦未嘗有幾微怨正德十六年秋大疫姑疫且死婦焚香籲天曰夫客外而



姑遘危病惟神默佑俾姑更生得再與其子一面妾終身無恨遂刲其左股和羹進之姑病獲愈

嘉靖志 乾隆府志 嘉靖三年旌

莫潤妻沈氏美儀容莫家貧甚潤復暴悍不治生沈勤苦

紡績善事之養姑尤孝而身恆凍餒既生子益不給潤促

其妻曰一時不怕羞三日喫飽飯汝好爲之沈曰但有句

乞爾潤曰乞來食豈能飽我我要大塊肉耳沈潸然泣曰

除此但有一死潤知不從乃陰與富者約改嫁之沈遂縊

死其前有任烈婦夫鵬死婦年少親屬欲奪其志自沈於

江葉烈婦

案任烈婦佚其父家姓葉并佚其夫名今變例書之

夫死姑奪其志祭其

夫縊而死胡東昇妻魏氏昇死縊以殉國初岑武治妻郝

氏雖不死其節尤著

嘉靖志

餘姚縣志

卷二十五

列女傳一

明 六

孫燧妻楊氏正德乙亥燧將巡撫江西舟至錢塘遣楊歸

楊已喻其意隱憂戚戚及聞變慟絕復甦曰吾固知江濟

之別爲永訣也卽命諸子水陸分途赴難未幾櫬還宗俚

議曰柩自外入俗所忌楊曰吾夫殉國而柩不入中堂非

禮也竟奉之正寢朝夕哭踊盡禮進諸子語之曰吾不難

卽死勉存殘息以汝曹未成立也後三子皆官京師迎養

邸第楊顧感愴猶昔遇忌日輒悲咽廢食先是楊七十生

辰宗戚往賀戒諸子謝卻閉門慟哭眾惻然而散其八十

九十也皆寓京師復如前生平無疾病不近醫藥年九十

二卒撫孤者十餘年見諸子貴顯曾元繞膝享榮養者二

十餘年

乾隆府志



孫陞繼妻楊氏名文儷仁和人工部員外應獬女也陞初  
娶於韓後娶於楊諸子登進士者四人太保吏部尙書鑾  
禮部尙書鋌太僕卿鏞兵部尙書鑛皆楊教之示鑛詩云  
何待三遷教傳經有父兄蓋謙詞也楊精帖括斷決不爽  
相傳鑛會試後錄其文呈母母笑曰淡墨雖書第一未免  
齧筆似魚非文之絕品也或言楊有壽年過百齡著有孫  
夫人詩一卷見藝文乾隆府志引靜志居詩話乾隆志叢  
談引玉劍尊聞楊爲詩麗以則課諸  
子如嚴師鑛少時嘗戒其友曰以札來者幸毋詭毋諛愿  
吾母而後及我慎之也由此子姓所交無匪人無匪言  
胡東臯妻孫氏燧從女弟也東臯家寒素業儒苦不給孫  
躬紡績脫簪珥佐之及東臯守寧國孫不忘窶時業至自  
調青藍爲染手常龜東臯或勞苦之孫曰勤劬吾性也東  
餘姚縣志

卷二十五

列女傳一

明 七

臯繼妻陳氏定海人性淑慎不以貴顯忘厥素卒年八十

二賢與孫氏埒並贈恭人

許山志

鄭五常聘妻熊氏嘉靖乙卯五常年十九隨父鳴陽松江  
讀書父病侍湯藥焚香乞代不寢食者月餘父痊而五常  
卒熊氏年十四聞訃急欲奔喪父母止之女志不可奪七  
日不食死

鄭譜

謝麋妻馮氏嘉靖十六年夫與舅姑相繼沒三喪並舉家  
大窘馮撫遺孤至長不能具脩脯日口授之居與夫從兄  
丕連宅妯毛與之粟不受曰紡績聊可資生此粟當別周

飢者苦節逾四十年卒

東山志參  
關幽錄

史茂妻谷氏父以茂有文學贅之於家數日鄰人宋思微



債於父見氏美遂指通錢為聘物訟之官知縣馬從龍察其誣杖遣之及谷下階茂將扶以行谷故未嘗出閨聞見隸人林立而夫以身近已慚顏發賴堆茂遠之從龍望見以谷意不屬茂也立改判歸思思率眾擁輿中而去谷母隨之至思舍谷呼號求速死斷髮屬母遺茂思族婦十餘人環相勸慰不可解乘間縊死從龍聞之大驚捕思思亡去茂感妻義終身不娶

明史本傳

徐遂妻祝氏澤女也年二十三而遂死生一女撫遂之幼姪為後秉志不貳卒以節顯詔表其門

嘉靖志

徐選妻張氏年十九而夫亡守節無玷表其閨

嘉靖志

王忠妻陳氏魁三女也忠補浦江儒學生而卒時陳年二

餘姚縣志 卷二十五 列女傳一 明 文

十五苦節不改被旌

嘉靖志 乾隆志 嘉靖十三年旌

張椿十七妻陳氏性端嚴不苟言笑夫死祇一女長字人一日鄰嫗有言失雞者語侵陳陳曰吾以女故忍死以至今日今女已有家乃不能死而受辱彼婦之口耶即閉戶絕粒其家人涕泣饋飲食陳自戶隙接而置之終不食如是十日不死已自斂其手足形縊而絕

康熙志

謝志望妻陶氏會稽陶諸女孫也嘉靖乙卯志望禦倭戰沒斤嶺陶年才二十七慟哭屢欲從死念遺孤當撫憶忍十餘年輔頰間無日不有淚痕卒以哀死

東山志

鄧湖妻鄒氏嘉定知縣一本母也湖攻苦力學病瘵將死語曰汝年少子幼成立未可知我死汝亟去毋以我累也



鄒驚起取佩刀踞牀下泣曰夫子猶不知妾請先夫子死  
潮皇遽起奪其刀血已淋漓矣因相與慟哭未幾潮死鄒  
居喪摧毀骨立終身茹蔬衣敝惟嚴課遺孤讀父書隆慶  
元年一本成進士時新築南城一本以母素不飲井水而  
取諸江居本臨江而城隔之守臣以情告得請南城之有  
恩波門自鄒始乾隆志參

朱孔思妻白氏薊州人案乾隆通志亦作薊孔思以縣尉

需次卒於京敏畢白自刎靈前事聞賜葬建坊有司春秋

祀之康熙志

汪氏五烈汪材繼妻符氏性嚴介不輕言笑私一物嘉靖

丙辰案汪譜倭奴犯境汪氏娣姒倉卒謀避入山符曰賊

餘姚縣志列女傳一明 五

躡我後必受辱不若死於水之為潔也乃促舟至菱池賊

已逼符謂娣案乾隆志誤季妻夏氏從娣桓妻宣氏案采

褚曰此吾等潔身處矣同行者錦妻老符氏其祖姑也曰

吾忍獨生乎遂連袂投池中賊見之駭散材前妻女名吉

媛方垂髻亦投水死里人以一門五烈上之臺使會遷秩

去未及奏旌闕幽錄國朝陳梓題汪氏一門五烈詩倭

笑嘖山谷盡喪氣波濤空怒奔汪氏有五烈誓不與齒存

從容娣姒聞死所商話言入山不如水保我芳潔魂惟彼

青菱池菱花方鮮妍照我三婦容明月何娟娟回頭盼祖

姑含笑攜女孫團團入清波各灑冰雪春馮夷亦驚喜水

氣成五雲綱常大家事私之在一門應令造  
物妒孤根枝不繁惟有池底泥千載如瑤琨  
韓墳妻項氏墳諸生氏名昭少閱書史操翰製詞技巧絕  
倫又不挾所長敏修婦事年二十三墳卒昭欲俱死念母



寡恐傷其心勵志貞節鄉少年慕昭者爭賂伯氏求姻昭峻拒之居恆佩刀自衛有謀俟展墓劫詣塗者母兄同行不獲則爲流言詬辱昭乃擲刀曰吾今可無防矣彼智計俱困故辱我自退耳立伯子銀生爲墳後親授書課拓復舊業邑人錢德洪作釋刀傳表之

乾隆志引  
萬曆志

史鸞妻陳氏知府雲鶴女也鸞中弘治十年舉人卒陳年二十六雖宦家婦蕭然四壁一夕鄰火及鸞柩陳伏棺號慟願俱焚而火滅或勸他適陳曰須臾無死人不亮其心耶縊絕而蘇嘉靖十九年旌

乾隆志引  
萬曆志

宋公文妻金氏公文諸生得厲疾將死一夕驚醒謂金曰汝第蕃名已列榜且連捷我則已矣尋作詩以訣有堂前

餘姚縣志

卷二十五

列女傳一

明

三

老母悽雙鬢膝下誰人嗣一經之句金每誦之愈益悲痛後蕃果如夢將之任邀姊惜行不許贈以金不受曰汝此去當爲清官毋爲我先自竭也躬力操作葬祭以禮年六

十三卒

闡幽錄

周如登妻沈氏年二十四而寡舅姑俱耆伯氏如底仕廉而貧沈忍死操作奉老撫幼六十年屏居一室羣從子姪罕見其面母家亦不往

乾隆志引  
萬曆志

謝用模聘妻呂氏名成用模太傅謝遷孫也性端淑父少傳本開出上所賜文綺昇之拜受如不勝退則篋而扁之獨衣麤縞用模年十四舉於鄉上春官至吳門以痘卒成聞飲泣廢食有議姻者卽絕粒死

乾隆志引  
萬曆志參闡幽錄  
姚江事蹟采邵



家人詩成姑生小稟綱常一死堪增二相光慚愧奔州大手筆祇憑同姓記曇陽王奔州文集曇陽子傳注曇陽子相公錫

史立模妾馮氏京都人初立模娶於蘇生子天已乃置馮久之無子又納維揚李氏李旋病痿立模不復御一日立模受檄將之他郡馮請召李立模曰彼已廢無已寧汝可耳則給曰諾候立模既寢忽抱李置臥內去李遂孕踰年生子自上馮鞠之如已子後五年立模自惠州知府歸卒李已先卒後二年蘇亦卒自上甫八歲宗人睨產時攘臂起馮以死力爭之自上從羣兒嬉遊則撻之曰吾為汝千辛萬苦始得汝今家運微史氏祀不絕如綫而若此耶泣與杖俱下自上後領嘉靖四十三年鄉薦仕至平陽府同

餘姚縣志 卷二十五 列女傳一 明 三

知馮沒為服三年喪 乾隆府志 參閱幽錄

史立恆 案史譜 作立桓 妻潘氏婉淑有志操年十八歸史姑魏性

嚴立恆亦酗酒暴戾及立恆死魏以喪子愈虐其婦杖不足又粹而嚙之潘問寢上食愈益虔忍痛撫孤卒 康熙志

丁時妻孔氏年二十三夫亡子任方二歲行孕未彌月茹飢服寒治麻桌為食二子長使求名師事之任又早世歲

乙卯倭入寇行負母以逃賊至縛行母奮身救護賊斷其左臂而死血淚交下賊亦動容遣之歸葬 乾隆志引錢德洪慈節傳

王棋妻朱氏棋之祖譚父渭皆天祖母胡母嚴少寡食貧棋又短折婦年二十二生子練甫數月瘠田數畝量所入

為十二分每月用米一分煮粥作糜沈者奉姑浮者自食



苟是月有意外之需借月米堪給則忍餓勤作以補不足不移餘月之儲穰秕糟蘗樹根蔬實莫不遍食以自度又掩覆其事以慰姑心練長教之持書隨人問字久乃出課童子以助母食嚴壽終婦割田易贖以終喪葬積勞成病而歿年五十八

乾隆志引錢德洪王孝婦傳

唐景禹妻徐氏景禹登嘉靖丙辰進士卒於京徐聞訃慟絕再日始甦年二十三營葬戒為兩壙曰吾不久入此矣日夜吞泣不食舅姑慰之稍進食家故貧盡毀衣飾為舅姑養以終其天年晚益不給依寡母績紉臨終晝見舅姑與夫曰何不早攜我而久苦我以生也孀居四十五年涉

操如一日

乾隆志引萬曆志

餘姚縣志

卷二十五

列女傳一

明

三

陳孟愷繼妻傅氏南京人孟愷以祖雍廕為南詹事主簿卒時傅年十九悲愴欲殉念已有身五月稱未亡人比免身得女獨處一室與女相依不苟言笑以前室子三省貴

封太宜人

乾隆志引萬曆志

潘秉彝妻徐氏燦女也年十九夫亡斷髮毀容奉姑甚孝家貧歲凶機杼取活鄰火將焚柩徐身蔽之火隨滅年一

百三歲被旌

乾隆志引萬曆志

諸障繼妻蔡氏暉嘉靖庚戌進士卒時蔡年二十痛甚燬衣飾縊柩側救甦持齋衣縞終身家貧紡績至不能舉火誓不向人稱貸病飲之藥辭曰未亡人以相從地下為幸何藥為年踰五十有司憐其苦節月贍穀二石

乾隆志引萬曆志



邵岱案通志作岱妻陳氏通判有孚女也岱入贅一月病歸而

故陳聞訃過門慟絕而甦葬畢母勸歸陳曰生死歸邵而已時年才十六嗣子無似望其孫之有立篝鐙紡績使就

讀身為師氏焉萬曆辛卯旌乾隆志引萬曆志

翁璧妻錢氏適璧二年璧病錢割股以進竟不瘳誓以死殉屏娘凡七日既念祖姑及姑在宗姻無可依者室既罄

懸身且乏嗣日夕紡織贍養兩姑姑嚴猶時譙呵之夫之女弟及甥女皆幼孤翼而長之四時享薦不以貧缺矢節

六十年知縣鄧林喬知其孝白學使給湖田四十畝後復

為勢家所奪乾隆志引萬曆志參關函錄

陳克華妻楊氏歸三月克華卒時氏年十九甫斂鄰火殆

餘姚縣志 卷二十五 列女傳一 明 三

及楊憑棺慟姑力挽之不起哭曰願同燼烈燄不令死者

獨受慘也火遽熄閭里歎異伯氏舉仲子請於舅姑抱哺為克華後獨處一室非執婦事不及堂非布素不御一日

夜半疾雷破柱闔室震驚楊枕柱臥若無所聞嘉靖間表

其閭曰貞節乾隆志引萬曆志

諸璧妻李氏年十八而寡家貧紡績事姑以孝聞所生遺腹既娶婦有孫後姑老死而子婦相繼天沒熒然一身家

益旁落百計撫二孫復成立族黨稱之乾隆志引萬曆志

陳氏二節有智妻李氏有容妻姚氏始穰之歲姚二十九李二十一初有智娶一年其季父克宅攜之松潘任病卒

克宅貽書慰李甚至李泣言大人豈以是堅我哉微大人



寧有二心者久之室燬編茅以居娣姒相依過者寂不聞人音已與羣從共建一寢未遷而姑卒二氏欲斂於新室同室不許姚曰吾豈以煢故誑姑喪乎姚負屍李扶之竟置新室

乾隆志引  
萬曆志

任正妻潘氏洪女也年二十八正卒上事下撫辛勤備嘗子春元嘉靖四十一年成進士隆慶二年册立東宮恩詔春元為刑部郎具奏表其門後兩奉恩贈明制凡節已贈者例不得旌而潘兼之誠異數云

乾隆志參  
闡幽錄

楊山繼妻徐氏年二十而寡

案乾隆志作  
年二十一

山多媵諸媵姪

徐每持其長短於姑諸媵有過徐乃曲護之媵有子即抱哺如已出宗女孩而失母撫之如已女生平非閩內事不

餘姚縣志

卷二十五

列女傳一 明 古

言非門內親不見煢然一室貞靜自如自髮而艾守志三

十年後以伯子文煥貴封太宜人

乾隆志參  
闡幽錄

聞人詩妻李氏江蘇崇明人詩諸生先娶張生四子而張卒遊學崇明遂繼娶李無何詩卒李年才二十四閭里稔

其賢爭願得之李扶櫬大慟絕而復蘇語四子曰而父彌留不能言以目視我而指若意以若屬我我心許之矣乃

毀顏誓守身力維績課子讀徹且不休常歎曰吾所藉以報夫在此子耳後子金和成萬曆十一年進士為延平守

考最封李太淑人以壽終

乾隆志參  
闡幽錄

嚴金妻翁氏金為時泰孫美文才以咯血死翁年二十一無嗣且貧再遭姑及祖姑喪而舅又喪明力持家事取辦



十指閒不墮其志乾隆志

楊九韶繼妻羅氏九韶以進士兩宰鉅邑家徒四壁生三子然皆非羅出羅年二十三而寡慟絕復蘇視諸孫獨冢孫宏科異乃抱而泣曰吾不即死者欲成此兒耳於是苦身力作以教其孫後宏科由進士為御史羅年已六十餘閩里賢之上其事被旌乾隆志參

黃稔妻章氏二子皆妾生稔卒長子大綬未周歲章撫之衣食皆出十指大綬年十五充庫子役每出章輒移兀子於門向治所待大綬歸始食守節數十年郡邑表之乾隆志參

黃氏續錄

趙復所妻黃氏世家婦也其舅姑秉政頗嚴少不當輒詬

餘姚縣志 卷二十五 列女傳一 明 孟

詈諸子及婦黃每事必引躬為夫任過徐霽二人夫有弟甚愛黃曲體之凡衣履酒漿之奉必推其腆潔至從師問學皆有贊焉竟與叔成立而處妯娌尤有恩禮每操作女紅及井臼之役黃必身先之且兼妯娌之不逮者以貸責於姑一切相規相勸無形骸之閒處四十年如一日生子曰貞以學行著復所于役四方黃篝鐙課讀丙夜惟勤慍之以義方不一假嗔笑遂成令器劉宗周趙母黃碩人七十壽序

黃氏二節國宗妻應氏年十九國宗卒國安妻鄭氏亦早寡應有遺腹子維祖鄭其撫養成立苦節垂七十年府縣給勁柏聯芬額雙旌之乾隆志參

陳四七妻項氏四七天闔數年死舅姑勸之改適項曰舅



姑無他男何以爲活未幾舅姑死家業零落頂食貧自守  
有勸爲尼者頂不應廬舅姑墓側紡績終其身

乾隆志參通志案

通志入

國朝

徐宏基妻胡氏名昭幼通孝經女誠宏基有足疾納采後  
知之父母欲離婚昭不可歸宏基卽出醫珥求善藥匍匐  
夜禱中庭積歲而宏基疾愈宏基好讀書慷慨爲善一日  
坐酒舍有以銀鑪易米者舍人子不應宏基取家米與之  
翌日有見鑪者曰吾家失物也指爲盜宏基父素惡其慷  
慨擠之水宏基抑鬱死是時昭年二十七有子二哀痛欲  
自殉姑曰獨不爲二子地乎排戶救之踰年父母憐女顛  
頓與舅姑議欲奪其志昭曰異日自罄之繩尙在也議乃

餘姚縣志

卷二十五

列女傳一

明

五

息孫岱

國朝順治五年舉人有文名

乾隆志參康熙志乾隆府志

鄭養銳妻于氏年十七歸鄭鄭諸生任俠好施未幾卒于  
年二十四哭之暈絕復甦既而家中落于日夜織紉謀于  
光國讀尤能敬事舅姑同里每欺陵之于集宗黨告曰未  
亡人以死爲期豈利害所能怵哉遂截去其髮觀者失色  
相戒不敢犯里中薄德者聞之俱爲感化舅疾革夜半告  
天割臂以進舅病遂愈守志三十六年子光國 國朝順

治五年舉人

乾隆志參乾隆通志案通志入

國朝

黃尊素妻姚氏上虞人年十六歸尊素尊素爲御史與楊  
漣左光斗魏大中李應昇諸君子晨夕過從語及羣小陰  
謀輒形之歎息賓退姚進曰公等不能先事緹緹律律制



亭之泣乎尊素既被逮姚每夜祈死北辰之下願以身代  
逆奄就誅賜章服三品姚初不自異詔其伯子宗義爲復  
社傾訥南國與諸生顧杲等公訐閣黨阮大鍼其爲搗首  
大鍼後柄用中旨逮治姚喟然曰豈意章妻滂母萃吾一  
身耶國亡得不及於難壽八十七卒山陰劉宗周常熟瞿  
式耜皆稱之曰女師乾隆通志

胡心宇妻孫氏性愛潔首膏沐不蓬衣履故卽易心宇客  
都門比屋族子以爲治誨也數過其廬相問訊孫廉其意  
不淑輒謝去不爲禮族子銜之搆蜚語孫聞泣告姑曰婦  
年少而夫遠出奈何以穢語相辱婦惟有一死不獲終事  
姑矣姑召族子痛斥之孫憤恨終不釋潛自經死夫弟異  
餘姚縣志 卷二十五 列女傳一 明 毛

爨且力弱不敢訟其冤貞烈遂不彰閩幽錄

勞世臣聘妻熊氏名瑞案乾隆志作端年十八聞世臣卒守貞不

嫁坐臥小樓五六年父母議他婚女聞之謂其姑曰女求  
不辱父母而父母必欲女辱何也中夜沐浴潔衣履自經

死閩幽錄

謝甲妻呂氏年二十歸甲甲病瘵三年時里中嫠有以穢  
聲著者甲聞謂呂曰寡婦難作如此我死當速嫁呂泣曰  
是何言萬一夫子不諱妾當先俟地下未幾甲病革呂經

紀斂具訖鍵戶自經越女表微錄

施錫齡妻盧氏年二十夫故卽欲身殉姑曲慰之乃囑夫  
兄錫元造生壙誓無他志偶歸省父母里嫠有餽以言者



氏卽輿歸泣告其姑祈速死是夕闔戶自經闔幽錄

謝澍生妻施氏邦曜從女也性純孝年十餘割股療母疾

及歸謝侍姑疾復以割股聞澍生嘗教授在外氏知詩書

訓其二子仲子轍登崇禎九年鄉薦年六十稱觴遠近士

夫咸歌詩介壽頌其純孝云闔幽錄

施伯善妻徐氏貞靜寡言工女紅年甫三十伯善沒哭之

三絕三甦孝事舅姑喪葬盡禮守節四十五載卒年七十

五施伯進妻章氏通列女傳孝經等書年二十九夫沒繼

姑嚴厲章事之以謹孝稱卒年八十八施譜

胡旻妻陳氏生二子廷禮及璋而旻卒陳年二十七撫廷

禮之頂而泣曰汝父棄汝天若相汝等有成汝父雖死猶

餘姚縣志 卷二十五 列女傳一 明 庚

不死也事舅姑奉祭祀寅畏不倦遺孤既長教之親師友

循循有賢聲陳曰汝等各有樹立胡氏門祚不墜吾死無

憾矣有司欲上其事陳命廷禮致悃懃力辭曰此分內事

耳有司重其言而止胡譜

朱文魁妻徐氏年十六歸朱朱諸生氏父厚裝送之見夫

貧因悉市嫁時物奉舅姑甚至居三載舉一男而夫卒徐

慟絕更甦母家勸改適投江遇救得免由是績紉刺繡為

朝夕需歲歉糟糠自饜而奉舅姑甘旨之養四十餘年如

一日未幾子死遺四孫復撫之成人里士欲聞之執政徐

拒曰婦事舅姑分也且吾舅姑有少子婦彰吾之孝不形

彼之不孝平年九十六卒朱譜



朱廷標妻張氏三歲喪母事繼母孝既歸朱朱爲諸生舅  
義泉薄宦積俸不給繁指張市嫁衣佐之舅病篤夫密禱  
願易算一紀病果愈張曰君能壽舅吾豈不能壽君亦密  
禱於天願分已壽日勤績絀佐生理課子讀嚴督慈撫耄  
年操作以率諸婦比疾棺槨衣衾製皆自命年七十二朱譜  
謝起龍祖母王氏江西人都司若蘭女也性慧熟孝經崇  
禎十四年若蘭入覲回舟鄱陽遭疾女才十四禱神剖股  
進之獲愈提學郭都賢表之曰純孝及歸謝端重有儀範  
御下寬嚴得體嘗自節以周戚黨鄉人私諡恭惠闡幽錄  
金一龍妻黃氏夫早沒黃截指自誓立從子爲嗣與姑相  
依熊氏子欲娶之母黨利其財給令還家聞道送於熊黃

餘姚縣志

卷二十五

列女傳一

明 五

知勢不可挽願搜括所有以償聘金不聽相持至夜深引  
刀自刎未殞其姑聞之急趨視黃曰婦所以未卽死者欲  
姑一面耳今復何求遂抉喉以絕郡邑聞之斃熊氏子獄  
中時崇禎十五年也明史李烈燧傳

阮應辰妻金氏初阮官葑南金隨任及任浙江都司先遣  
金歸舟過七里灘有寇環索金帛金大聲曰我阮都司妻  
也都司名清官安所得金與若寇逼之躍入江死明日求  
屍不得以所臥簞浮於江祝之篋行里許忽自止卽其下  
乃得尸阮痛之終身不再娶東山志

陳尙禎妻景氏開明女也歸尙禎鬻簪珥以供甘旨未幾  
尙禎自石門病歸景與子婦剖股進藥夫沒景將服涵家



人急救解且嚴備之乘閒登小閣縊死乾隆志

嚴三接妻錢氏幼喪母育於祖母趙年十四趙疾篤錢剖

股和藥而病愈後父病竝如之股凡三創而三愈姑

患黷舅患膈皆衣不解帶奉侍不倦乾隆通志

張孔教案東山志作陳孔教妻孔氏孔教累官四川川南道在瀘州

死獻賊難語在本傳先是孔教因賊勢猖獗遣孔與其子

以衡歸且授孔七首日脫不幸遇賊弗為所污孔拜受之

比至家坐臥不暫離七首後以衡得孔教訃懼母之必殉

也祕之一日孔闔以衡書篋見周兵備請郵疏號慟隕地

入室卽引所授七首斷喉死關隴錄

鄭遵謙妾金四姐會稽人遵謙官義興將軍從魯王至海

餘姚縣志 卷二十五 列女傳一 明 三

上為鄭彩所害金每祭夫必縛草人書彩姓名寸斬以侑

食彩聞之投金氏海中後海水泛溢屢顯靈異人稱金小

娘娘大清一統志參乾隆志殉義錄

王烈女監國兵部右侍郎翊女也字黃宗義子百家年十

三翊殉難後以 國朝例沒女入勳貴家為杭州將軍部

下參領所養參領憐其忠臣之女撫之如己出女亦相依

如父及參領欲為擇配女出不意自殉參領大驚葬之臨

平山中全祖望撰王翊墓碑乾隆通志女為營將所掠有劉弁欲娶之奪劍自殉弁義之遂以劍殉葬

沈之泰妻吳氏無為州知州日鑄孫女也之泰官中書從

魯王殉節死吳聞之慟絕而蘇者再有司簿錄其家吳慷

慨曰身為名家女夫子為當世名人義不為夫子辱卽自



縊案康熙志云縊不死服溷卒縣遺典史來視虛實與史手去其冒面

之楮屋上忽墮輒螫典史手典史呼晷退走卻顧曰烈婦

哉烈婦哉乾隆志引舊通志

姜道元妻來氏蕭山名家女也崇禎十二年濟南被圍道

元署臨清州事山東布政司理問死難來聞自沈署後湖

中攜其子廷樑同死闡幽錄

張詵妻鄭氏詵以事累南雍沒時鄭年二十三糾舅屬迎

樞歸子廷用甫五歲伯叔強暴利其產日思蠹之鄭集宗

黨謂之曰吾雖有是子而形神非永世者願得從子撫之

為嗣以成吾志得允蠹者泯心娶婦高氏生四孫瓌瓌珉

聰年九十七誓節七十三年疾革命諸孫析家貲禮遣其

餘姚縣志卷二十五 列女傳一 明 三

從子又曰爾祖逝京痛慳一面輜車雖還不能無疑汝異

日析葬庶慰我心姚江事蹟

朱高姑字柔端徵士之瑜女也六歲喪母哭泣如成人事

親能先意承志崇禎末年甫十二三即佩利刃晝夜不去

身其矜駭問之答曰今兵戈騷擾脫有不幸藉此畢命免

受羞辱耳字同邑何氏以舅出仕恣惡邁疾未嫁而卒日本

安積覺撰舜水先生行述

李開國母某氏開國從魯王至舟山殉節其母聞之泣然

曰有子殉忠我願慰矣遂自縊死闡幽錄

姚成妻袁氏成為北城兵馬司副指揮死闖賊難袁為棺

斂畢與十三歲幼子逢元俱殉有老僕亦從之闡幽錄



鄒光繩妻葉氏四川參政憲祖女也歸鄒數年而寡無子  
矢志姑白病葉割股雜藥糜以進姑病獲愈康熙志

鄒光紀母郁氏年二十四而寡嫡子使改適郁欲自殺而  
止守志終身康熙志

孫德光妻魯氏翰林時昇女也年二十三而寡有一子二  
女而子又夭魯自號幻離次女以母孤寂不忍離左右遂

終身不嫁二婢感其德亦從侍至死康熙志參  
闡幽錄

邵洪化妻翁氏大立孫女也洪化諸生翁姪子曾可數月  
而洪化死年二十四教曾可使向學繼姑諸齒少於翁翁

孝事之後翁病篤曾可與婦孫同時割股得復甦論者謂  
節相成也 國朝咸豐八年旌乾隆志  
參邵譜

餘姚縣志 卷二十五 列女傳一 明 三

施良心妻吳氏年二十而寡子時學未週歲家徒四壁撫  
之得成立既而時學與婦俱早世復撫其幼孫邦曜親教

之後邦曜疏請旌表累封淑人乾隆志

史可憲聘妻鄭氏可憲病卒女聞屏膏沐捐粒食父憐之  
曰女毋自苦吾行爲女擇夫婿矣語未竟女頓足號哭一

慟幾絕竟奄奄以卒可憲祖舉其柩歸葬於祖墓側後三  
十年夫弟可志以子後之又爲合葬於勝歸山之麓乾隆  
府志

案闡幽錄亦作鄭氏乾隆邑志采訪冊作鄒烈女  
學柱孫女考史譜又作錢氏未知孰是今據府志

陳武妻杜氏案乾隆志  
作何氏 慈谿人武早卒四明山流寇至杜  
走避母家遇賊匿橋下爲賊所得杜抱橋柱大罵賊舉刃

連斫至死抱柱不釋 國朝乾隆三十年知縣陳九霄表



其閭曰貞烈闡幽錄

汪恆道一作宏道妻王氏恆道明季官光祿寺丞沒於任王年

二十四嫠居不窺戶順治五年會征四明山砦營卒逼之

引頸受刃死乾隆志

勞士毅妻鄭氏年十八而寡兄弟欲奪其志氏嚙臂自誓

人莫敢復言卒全其節乾隆志

黃渤海案府志名光志妻某氏渤海從軍西興累加都督從黃斐

至太湖兵潰服蟒玉自沈水中其妻亦投入太湖闡幽錄

翁氏三節守成妻韓氏年二十八夫故撫孤宗實成立卒

年九十守節六十二年守成子宗實妻袁氏年十九生子

輝彌月夫故與姑韓氏同守苦節年七十五卒守節五十

餘姚縣志 卷二十五 列女傳一 明 三五

六年宗實子輝妻周氏夫早世撫二子文華文采成立年

踰六十而卒乾隆志參翁譜

朱瑛妻李氏年二十而寡孝事太祖姑撫幼叔孤姪成立

卒年八十五乾隆志

朱岐妻李氏年十八歸岐五載而寡撫子志仁居小樓紡

績非祭祀足不履地守志三十年康熙志案通國朝人志作

羅桂芳妻王氏桂芳諸生死羅守節二十年不離孝服卒

年七十八縣學表其閭闡幽錄

胡堯卿妻趙氏夫故守節撫子承錫成立官陝西西安府

經歷承錫卒妻王氏年二十九守志六十年胡譜案乾隆志作國朝

聞人徽音知府金和孫女也工詩所配非偶憤鬱而卒著



有樊榭詩選慈谿鄭梁謂徽音詩思沈興逸刻景鏤情能不寄人籬下

乾隆府志

朱苔妻周氏以宜家睦鄰動合理義爲鄉里矜式苔愛妾某周無幾微怨且多方願卹苔卒爲擇人厚嫁日給無倦

時比之程武陽君

姚江文獻錄

伍憲文妻周氏世稱賢母常著家範其略曰治家之道正內爲先孩提朝夕母側動靜言笑不可不慎若視爲無關切要而習氣卽與爲轉移况母子感應尤速習善習惡基於少時少敦循良性情純粹稍長教便易入爲母者縱不能胎教於此克謹猶爲先著所謂少成若天性也至婦人語言出入最防疏漏孝翁姑宜家人主中饋勤紡織何有

餘姚縣志

卷二十五

列女傳一 明 語

暇日俗云不紡花走人家搬是非尋嚷罵所必至者禮始於謹夫婦辨內外子以爲正內尤重若爲男子者宜奉命於家長家長用心必均平士農工商隨質所近使各就一業不可偏私於其閒事宜分任則分任以遞考其成功一年之計在乎春一日之計在乎寅甯趨緊毋落後萬事皆然又貴有積蓄切莫罄其所藏取快目前諸如購煮飯雨煮粥菜飯飽布衣暖皆格言也世每以老成告誡爲常談略不經意便甚害事老成之言由閱歷諳練所致小子乃逸乃諺以昔人爲無聞知此頑懦之輩必至喪家敗身聖賢懿訓具載經籍讀書者當自得師而婦女凡庸輩亦須時爲講解使各知所警云又著閨訓三十一則幾二千言



世以比莫氏家訓

伍譜

孫有聞妻來氏姑史寢疾來絕兒乳哺姑

孫如法傳

餘姚縣志卷二十五列女傳一終

光緒重修

餘姚縣志

卷二十五

列女傳一

明

三五



餘姚縣志卷二十五

列女傳二

國朝

黃宗羲妻葉氏名寶林明按察使憲祖女也少通經史有詩二帙清新雅麗時越中閨秀有以詩酒結社者葉聞之蹙然曰此傷風敗俗之尤也即取己橐焚之不留隻字年十七歸宗羲事舅尊素甫三月尊素下詔獄知縣祁逢吉疑其亡命操兵到門闔族遁逃僮婢駭竄姑姚計無所出坐石曰中葉獨侍立在旁不離尺寸洎宗羲訟父冤得贈廕祭葬葉遂與衣鬻珥以助葬費宗羲興義師從魯王葉密藏匕首以死自誓供複壁以餽饘資柳車之行李願沛餘姚縣志

卷二十五

列女傳二 國朝一

引義志節不渝卒前二日猶自提水一氣火一鑪以供姑

之薰沐其賢孝如此

乾隆府志參黃百家上顧炎武書

黃宗轅妻宋氏明連江知縣德洪女也年十七歸黃九載而妾訓其子百祿有古豪傑風賊龔萬里欲殺之以計脫導官兵擒之當事者欲授以職辭不就黃宗羲請慈谿鄭

性書茹檠成孤四字表其閭

姚江事蹟

姚某妻馬氏順治五年山砦亂馬氏被驅出門投洋溪死其夫失婦以為被掠入神祠卜贖不許卜棄又不許出廟

見溪中鬢髮粼粼與波動搖挽出之則馬氏也

闡幽錄案通志附

黃鏞妻江氏傳

孫十洲妻陳氏臨山人順治初流寇犯境官兵逐之寇去



而兵縱掠衛城陳走南門兵以手牽之陳曰弗牽我當隨汝行至弔橋突躍入水翼日出屍顏色如生里人陳碩公建祠祀之並哀以詩云冰魂仍返舊家門賴有俞娃作弟昆時有俞女遇兵同殉而祠內附饗焉故陳詩及之東山志黃鏞妻汪氏順治五年四明山砦亂大兵進討居民上山爭避鏞負母汪抱孩叔行事急母脫匿鏞轉抱其弟二卒追及一執鏞一執汪逼汪上馬汪曰寧殺我斷不汝從二卒曰不殺其夫彼終不去擬刃向鏞鏞避之未創汪曰寧殺我毋殺我夫卒復牽其髮汪攀荆哀慟卒怒鞭扑交下汪引頸呼曰速斷我頭不從汝遂斫之仆地卒去猶能言至家而絕又有黃聖質妻姚氏兵逼之不從兩手抱桑餘姚縣志

卷二十五

列女傳二 國朝二

樹兵斫其首首倒垂而抱如故黃文備女兵逼之雙手握

其裏衣斫死其手猶不可拆乾隆府志

方啟善妻張氏夫沒守志順治中征四明山砦營卒入其室持刀脅之張延頸呼曰不如殺我卒駭走乾隆元年

旌乾隆府志

姜廷梧妻祁氏名德淵山陰人御史祁彪佳女工詩著有

靜好集廣州同知張沐案府志沐作洙妻潘本蓮著有本蓮詩鈔

副貢鄒侯周妻陳氏恩州知府陳元妾唐在東竝以能詩

名姚江詩存

胡霞城妻岑氏青帆女也端莊穎慧年十九歸胡事姑孝工書算女紅之事一經目能自出機杼家日落岑鬻釵釧



以償無怨言許山志

邵曾可妻孫氏應楫女也年十五歸邵姑病兩歲衣不解帶多設牀褥飲食迎致賢節以奉姑言笑事其太姑諸尤恭謹賢聲溢邵宗崇禎二年父應楫死楊村出簪珥佐兄迎喪既而孫氏微流寄通州歲遣子孫以雞黍紙幣詣客星山上應楫冢自奉儉約篤任卹夫從沈國模史孝咸孝復講學姚江書院每會孫親滌盞豆以餉沈史諸長者無稍倦夫沒子早卒遭時流離家計日衰孫教育後嗣不失家法其長孫卽廷采

陳祖法撰墓誌銘

孫光榮母邵氏孫氏世饒盛侍兒盈十邵事姑奉匭沃膳不以藉手年三十姑與夫相繼沒與伯姒各撫一孤恪持餘姚縣志

卷二十五 列女傳二 國朝三

門戶內外罔有閒言其教孤不忍叱咤有不率則潛焉淚下不語終日孤寤跪謝乃復飲食泊二孤成立始就分異諭其孤取田磽者廬敝者僮癯者器窳朽者曰薛包故事在汝則也世皆賢之卒年七十四

邵廷采撰傳略

管義妻鄭氏夫沒僦居民房無一椽半畝安之若素

許山志

沈潛如妻陳氏鸚山人居瀕海康熙時海溢有司驅民築塘沈勞憊致疾疾革陳爲嘗糞及卒截髮爲殉父母以女年少謀醮之陳遂經死年二十二

陳梓刪後詩存

謝兼才妻傅氏年二十八夫亡矢節教子春景子卒又教諸孫曾有成歷七十餘年壽百歲先是舅姑在堂傅事之甚孝姑嘗祝之曰好媳婦願汝多壽多子孫至是果驗康



熙五十二年 旌 乾隆志

邵煊妻朱氏年二十而寡事後姑先意承志姑晚年臥病三載朱調湯藥衣不解帶獨任勞勩不以委之他人雍正三年 旌 乾隆志

翁成德妻葉氏年二十三夫死時遺孤未晬氏毀容自勵子稍長每泣語之曰吾不望爾貴顯第能讀書吾願畢矣子受母教勵志讀書入庠姑早喪舅年八十餘疾篤鄰不戒於火將延至室葉長號籲天曰舅病不能出子豈能獨全乎言訖回風返火人咸異之守節三十五年 乾隆通志 雍正十二年 旌 乾隆志

茅貞女其蕙女名志字陳廷篋未納采廷篋死富室張氏餘姚縣志 列女傳二 國朝四

子聞其賢力求焉將舉媒灼女沐浴更衣自經死 乾隆通志 任朝縉妻史氏孝咸女孫年二十八孀居織紵以養舅姑姑患劇疾不可近侍湯藥者相率避去史晝夜守之逾月不解衣兩目幾瞽康熙四十五年 旌 乾隆府志

徐錦晉妻許氏性至孝姑病篤氏割股和藥願以身代其母家凋落氏為迎養得其歡心鄉里頌之 乾隆志參 闡幽錄

徐廷猷 闡幽錄 妻邵氏少寡姑病瘍醫者曰火毒也宜甘草湯吮以口邵日含湯數數吮月餘姑病霍然 乾隆志參 闡幽錄

朱時昌妻樓氏年十六于歸時姑嫜已沒哀痛踰恆繪像虔禮晦明罔間知縣潘雲桂表其閭曰孝淑 乾隆志參 闡幽錄

沈景怡妻劉氏景怡明崇禎十二年舉人早世劉年二十



教其子振嗣年十八成康熙十五年進士選庶吉士賜蟒袍告疾歸旋卒劉伶行自守日治紉績苦節五十餘年足不踰一室卒年七十五

康熙志

蔣煜妻童氏年二十七而寡煜舊畜一僮十六七矣童曰僅年少在孀婦家非宜也立遣之童故宦家女及嫠居女紅汲灌織微必親冬月手裂長夏絕糧惟悉心撫育其子當事表其門

康熙志

邵炳妻張氏夫兄弟七人舅耄獨迎事之奉養得其懽夫沒張年二十八紡績撫三子康熙二十九年大水漂廬舍張居危樓不為動曰嫠也何之吾與樓為存亡矣其兄弟強之乃命攜其幼子坡隨避高阜曰先人不可無後也然

餘姚縣志

卷二十五

列女傳二

國朝五

樓卒無恙三子俱成立終身無嬉笑聲卒年七十六乾隆

二年

旌乾隆志

勞廷棧妻童氏舅史卒與夫造作營葬夫沒無子童閉戶紡績葬舅姑於何圈雍正二年海盜夫柩在淺土漂去童號泣曰不得夫柩赴海死矣眾阻之謂水後柩不可辨童曰吾夫柩固可識向者治木不美每歲結以繩縱橫千百道當不散也數十里外果見棺繩絆樹枝昇歸改葬知府杜甲稱為索綯奇節乾隆十三年

旌乾隆志

鄔仲張繼妻邵氏仲張病羸氣不絕如縷邵急割左股和藥踞扶其首灌之盡一卮翼日稍瘳再殆再割股亦驗久之復發乃不治時邵年二十八食貧勵節撫妾子底於成



卒年五十九

乾隆志參  
闡幽錄

何卓美妻汪氏少有至性母病痢嘗所泄以驗瘥劇人稱女黔婁及歸何舅喜媢罵汪善事之舅為改悔父病疫舉家枕藉急歸省奉湯藥月餘母及弟妹皆獲愈卓美卒汪年二十舅患癱十餘年汪孝養不忘卒年六十二

乾隆志

孫進思妻王氏進思五十未娶氏父字以女既而悔之將訟諸官王力持不可遂歸焉未幾進思沒無子破屋數椽力勤紡織不給則忍餓或郵之不受非祭祀不出中堂鍵關苦節終其身卒年八十二

乾隆志參  
闡幽錄

孫文英妻虞氏夫有喘疾虞傭女工養之夫死子甫及週虞年未三十日傭工非未亡人事襁負其子乞食鄉里然餘姚縣志

卷二十五

列女傳二

國朝六

性嚴介非其有者一介不妄取閱十餘年子稍長喜曰吾願畢矣一夕無病而卒

乾隆志參  
闡幽錄

邵昶妻徐氏昶少孤母寡居鞠昶娶徐一年而昶死徐年二十一姑以言嘗之徐懼然盡出嫁時金珠簪珥錦繡雜采獻於姑及終喪姑還其所可服者不受曰寡婦無須此請以資菽水蒿簪布衣作苦不輟卒年五十

乾隆志參  
闡幽錄

黃述榮妻婁

一作樓

氏年十八婚有期述榮病甚父欲改吉

婁持義不可竟嫁之五日而述榮死慟絕復甦欲自經舅姑止之泣曰婦誠無恨敢不終事大人第無子終無以慰死者耳舅以孫文法後述榮妻教育之

乾隆志參  
闡幽錄

魏氏二節魏元達妻謝氏年二十五夫死不甚哭泣族疑



其有他志謝聞之泣曰吾非自愛恐傷吾身斷夫嗣耳越  
六月生子大猷苦畜至長娶婦徐氏而大猷夭徐年十九  
或勸之嫁徐曰我卽無恥敢背吾姑耶兩孀相依三十餘  
年謝卒年七十徐亦年逾五十

乾隆志參  
闡幽錄

施肇周聘妻王氏未婚而肇周死女年二十聞訃隨母往  
弔遂留於施衰服終喪爲肇周立繼事其姑以孝聞年七  
十五縣給完璞全貞額

闡幽錄參  
乾隆府志

孫大心聘妻葉氏幼通文義未嫁大心卒泣告其父願視  
斂父不許強而後可氏一慟幾絕旣斂不復去大心家無  
尺土葉紡績自給足跡不出闕六十年卒年八十一

闡幽  
錄

任肅楠案乾隆志妻葉氏嫁未久夫死氏年二十其母臨

作蕭楠

餘姚縣志

卷二十五

列女傳二 國朝七

喪有他言氏憑屍長號欲自剄爲母所掣乃斷髮一縷投  
之棺曰先以此殉腕有異頭當如此髮蕭楠有從妹曰二  
姑未二十而寡貧無所依葉招與同居嘗曰人不可志懈  
志懈則心蕩當與姑共懷之二姑忻然曰成吾志者嫂也  
顰勉相勸歷三十餘年葉卒年六十三二姑年六十二

乾隆  
志參闡  
幽錄

陳相文妻陸氏隨夫宦轍十餘年相敬如賓迨相文告歸  
陸荆釵布裙一如寒素鄰媪每導以燒香具言冥報陸曰  
婦人不踰闕齋僧媚佛非吾事也聞何長齋曰茹素不過  
戒殺耳我自有心香卒年六十八

許山  
志

高錫位妻陳氏幼聰穎解詩書聞父說書卽曉大意講古



人忠孝節義事至痛切處卽流涕女工靡不習年二十四  
適高未彌月聞母病歸醫曰不治陳憂甚潛割股和藥以  
進病稍痊逾年母卒哀毀骨立時一妹二弟俱幼陳竭力  
扶持者七年宗黨稱賢孝在夫家亦孝敬輯睦庭無閒言  
卒年八十八

沂山志

胡溟鵬妻龔氏歸胡後卽撤膏沐躬蠶織如貧家婦性端  
慧曉暢世事溟鵬本拘謹士得龔稍曠達焉後龔目疾成  
瞽子文祥娶婦董氏奉龔甚謹不離寢食七八年龔雙目  
復明人以爲董孝感所致

沂山志

費體忠妻樓氏性端重佐夫起家善事舅姑父病百藥勿  
效顛天割股以進病獲痊越二載病復革又割股仆地逾  
餘姚縣志

卷二十五

列女傳二

國朝八

時卒年五十餘

沂山志

陳維宰聘妻胡氏維宰卒聞訃哭不止父母慰之曰汝尙  
未歸陳宜爲汝擇年相當者女曰兒從一而已歸陳陳以  
貧故勸反氏翦髮誓死營十指奉姑數十年如一日

沂山志

陳相廷聘妻聞人氏相廷卒女聞訃扃戶紉衣裙不食而  
死後將葬昇柩不行父母知其志爲告於陳合葬焉

沂山志

呂秀姑父道載家貧甚秀姑髮未束遺適慈谿柳氏柳亦  
貧秀姑念父死必暴露骸骨乃日貯一錢積之二十餘年  
歸鄉人已無識者向長老自述端末始知爲道載女也引  
至柩所慟哭久之親負土營葬事畢而去

東山志

周尙賢聘妻景氏伯雲女也年十九而尙賢卒女聞訃悲



慟欲絕母慰之命歸周守志及尙賢葬畢投纆以殉舅姑救之甦遂請立嗣子如泗躬紡績以給爲如泗娶黃氏生孫偉林未幾如泗天偉林甫二齡亦殤景哭之喪明宗人爲請旌建坊大廟周村闡幽錄

諸九思妻謝氏性靜端父病篤露禱於神刲股以進既歸諸善事舅姑躬緝績私市甘旨以補不足康熙朝督學馬

表其門東山志

楊甲三妻王氏夫遠客王與姑相依里豪誘之王拒之峻豪誣以穢語王忍不與校及夫歸白之遂自縊夫感其貞

終身不再娶闡幽錄

陳啟邕妻諸氏姑病篤禱神刲股尋愈後姑齒落不能食餘姚縣志

卷二十五 列女傳二 國朝九 氏乳之三年御史葛表其閭曰淑德純孝闡幽錄

楊孝女義宗奇女也年十九母周病劇籲天祈代脇不貼席者累旬勞頓致疾猶親侍湯藥不暫離左右一夕夜分

鐙火燎牀帳女急以身蔽母抱持出之衣焚倉遽不能卸

翼日卒闡幽錄

徐貞女瑚字王茂卿茂卿久出游絕音問瑚兄天時欲他字瑚以死自誓既而茂卿爲僧京師遺書天時嫁其妹瑚

守初志不變年七十卒闡幽錄

徐景榮妻章氏景榮客死京師家貧無子喪不能歸章曉夜紡績閒爲人傭凡力所能勝可以名一錢者皆竭蹶爲

之終日不再具炊銖積寸累歷四十年歸景榮柩送葬先



瑩遂一慟而絕越女表

徐道光案闡幽錄妻馮氏少知書年二十道光死撫二子

自課之嘗曰讀書當就所能行者求其自盡徒事語言文

章末也子美績有文譽越女表

沈庚妻何氏庚監生家小康無期功之親庚懦且病數為

惡少凌侮漸至匱乏積忿死何年二十四無子惡少利其

居逼嫁百方何誓死不從至門闥窗櫺毀廢亦盡所處小

樓一間甚乃不蔽風雨親黨皆不平勸之訟何泣曰吾嫠

也與男子對簿即倖直何辱如之因避歸母家三十餘年

以紡績餬口老且貧無為之繼者越女表

何某妻汪氏名喬夢熊女也父舉家患疫氏欲歸省夫難

餘姚縣志卷二十五列女傳二 國朝十

之氏泣曰死生命也安有父母病危甚不一歸視乎歸數

日父與弟俱死氏亦病猶強起內奉母外理斂具無廢缺

且勸夫出粟助葬後二年夫死舅老病瘳轉側皆需人氏

晨夕侍奉三年不懈闡幽錄

謝爾超繼妻諸氏前室遺一子方在抱諸愛之如已出未

幾爾超死諸立志撫孤視昔有加及長為娶婦生孫男三

而子婦復相繼天諸更撫育不倦時幼孫患痘毒攻目將

瞽諸晝夜哺藥餌歷半載罄所有療其疾諸有所生女遣

嫁隘甚薄人謂非情諸曰夫遺產僅供祭祀安忍毀之以

私己女乎鄉里頌之東山志

戚文佩妻王氏祁明女也文佩苦志力學遭疾不起王年



二十五遺孤才三歲勵節撫育奉舅姑至孝姑病劇割股和藥得廖後子伯瑛入庠王守節踰四十年

東山志

陳協仁妻呂氏年二十二夫故子甫二齡遺產僅五畝夫兄利之欲奪其志誓死乃已夫兄復潛鬻其產家徒四壁躬操作守志益堅及子成立家漸充裕氏故明大義追立先人祀田若干以其餘給子婦卒年八十一嘉慶二十二年

旌闈幽錄

宋寧宇妻周氏年二十四生一子而寧宇沒孤燈蕭索獨坐一樓遺其子公勳從學日課詩書迨子舉姻始下梯人名其居曰貞節樓

闈幽錄

洪載虞繼妻金氏會稽人父會侯賈寓天津氏隨侍時載餘姚縣志

卷二十五

列女傳二 國朝十一

虞以天津籍補廩生喪耦氏歸焉亡何載虞沒氏年二十四其叔父有官妻江者招之往不赴父堅留之不允曰夫死於外婦不歸宗如家有舅姑何遂扶柩歸侍奉舅姑以孝聞尋沒子在康妻黃氏年二十五夫沒無子撫姪盪成立嘉慶壬戌氏年七十閔邑節孝祠祀命子盪出貲錢六百餘緡葺之并置田若干給守祠者先後與姑並旌  
洪維銑妻黃氏事繼姑倪得其歡心維銑因其叔病祈代於東嶽廟神不三日叔漸愈而維銑竟死黃時方有身誓殉弗顧經人慰勸始解後二年夫叔復病黃亦祈於神願從夫地下以代未幾夫叔死黃矢志撫孤以節孝旌  
張杏濱妻魯氏年十八歸杏濱次年杏濱卒號泣欲絕念



身有孕幸得男可不斬先祀及生乃女復慟曰雖女當撫之家故貧夫死益零落獨與女居操井日勤紡績以餬口面鰲骨立飢餓不易其志或勸之嫁叱之曰吾婦人不幸夫死命也狗彘之行何忍爲之年六十餘卒

張義年撰傳

邵甘白繼妻施氏生子同人夫沒以節著甘白前室子曰家人先出爲長房後施並教誨之使皆親師嚮學幾二十年析爨既久長房中落施謂同人曰一本當相庇亟推己子產數千金與之一時以爲母賢子順同人性甚孝母沒築廬近墓思設位其中伸終身哀慕未幾沒妻潘子湄力承厥志卒成墓祠宗黨皆稱其家法

宗稷辰恥躬集

洪維鏞繼妻倪氏嘉興府訓導紹岳女也幼慧讀孝經古餘姚縣志

卷二十五

列女傳二

國朝三

列女傳及唐宋諸名家詩幾徧年十九歸洪逾年省父嘉興夫偕往遂館署中習舉子業亡何夫疾倪籲天請代弗廖倪悲夫客死絕粒誓殉父諭以上有舅姑下有子女慰勸再四乃扶櫬旋里嚴課二子皆成名及孫梁登咸豐元年鄉薦眾方以守節獲報相慶倪聞輒流涕舅光屋年八旬以詩酒自娛時姑已沒五世同堂家政皆倪主之舅卒倪已六十餘哀毀踰恆時歎其賢孝 旌如例一女適符十載而寡矢志有母風

伍焄妻洪氏性端淑通經史著家訓一篇稱於世

伍譜

葉澄妻徐氏自俊女歸澄數年祭堂上有弄孫意卽勸置筵室亦氏徐已而各舉二子澄字靜寰監生性至孝父疾



到股嘗糞父沒以毀卒徐守節撫諸子皆成立家素裕周  
急如不及宗祠燬於火徐命子首捐倡復之及年竝得  
旌孫燧於道光甲午闈前夢點名八十二見卷面朱書

欽旌節孝徐太孺人八字比揭曉適符夢中名數至今書  
香繼世人以為純孝清節積德之報葉譜參丹桂錄

陳境妻徐氏雲柯人歸境二年境卒家貧舅姑憐其少欲  
令改適徐誓死守志夫兄素無行覬氏醮費以償逋謀已

成矣氏聞泣告舅姑不能制一夕壞門入氏厲聲大罵急  
欲以翦祝其髮並擬刃於喉眾掖止之境從兄坊以義忿

來阻眾拳折其齒餘無敢問者氏復攜女登小閣去其梯  
眾徑上以被絮蒙首冒刃上遂為所禽納之輿結髮於蓋

餘姚縣志 列女傳二 國朝三

而以繩縛手足昇之去行里許氏齧繩躍入池中時夜分

昇者聞鬼號聲列炬轉碧皆駭逸氏匍匐返欲閉門自刎  
舅姑力止之遂為夫立後以壽終道光三十年 旌闈幽錄

魯士忠妻徐氏年二十七夫沒子身支持喪葬合禮一生  
不服藥曰未亡人待死而已安用此為卒年九十九 闈幽錄

沈詩盛原名詩教繼妻朱氏詩盛以名諸生力學攻苦抱羸疾  
死氏年二十四無子家窘親族無可依其弟金鐸迎歸氏

性故嚴介第姪皆畏憚米鹽凌雜悉出其手自是朱氏之  
庭無敢詬誶者金鐸子文治幼失恃氏撫鞠如已出卒成

儒者沈朱兩姓祭祀氏必與有爭忿氏一言即解兩族皆  
敬禮之卒年七十八 闈幽錄



施昂青妻黃氏諸生澄女也昂青廩生氏年十八歸施家貧甚夫以課徒供母氏恆不及飽昂青以名諸生得贏疾家益困久之病轉劇氏籲天求代潛割股和藥夫廉知之謂曰我命在天若何苦乃爾及沒氏泣矢靡他盡鬻所有以措喪事未幾姑遣人議婚氏跪泣不從復播不根語氏志益堅卒全其節沒年五十五嘉慶二十二年旌闡幽錄童順則妻朱氏諸生羽文女也幼嫻女訓嘗禱天割股療父病及歸童年二十九而寡遺孤長闢楨甫離襁褓次開獻尙哺乳伯叔三人家故豐姑薄待之僅給田十畝無愠色躬操作機杼井曰不辭勞瘁年五十三卒闡幽錄胡貞女居白山村父沒強暴謀污之弗從自經死邑人胡餘姚縣志

卷二十五

列女傳二 國朝志

夢欽爲詩美之闡幽錄

王烈婦居永豐橋夫沒家貧強暴逼娶之飲酒死訟於官不爲白諸生胡夢鈴爲作烈婦行闡幽錄

胡殿昌妻施氏殿昌將入都考供事以父老有難色施爲治裝從容與語曰婦在子職無缺也殿昌喜遂行閱時舅病作施日夜侍湯藥久不效籲天割股以進而瘞闕數年舅沒殿昌已得議敘歸一月矣年至七十餘語疇昔事示子婦癡泣然曰此我情迫不計生死爲之割股非中道不願汝曹效也闡幽錄

胡炯妻徐氏炯增生氏年二十九炯卒遺四子長纔九齡最幼遺腹夫砌半月而生時舅客海鹽姑年老徐奉姑教



子皆有法後數歲舅歸患癰徐待養踰月不息燭舅姑沒喪盡禮將卜宅兆命其子曰必擇地寬廣者爾父與我遺骸得耐葬先人墓側魂魄長相依耳年垂老猶率子婦勤女紅里稱女宗

關幽錄

趙繼宗妻楊氏歸趙四載繼宗赴試抱厲疾歸氏扶掖臥起勝不貼席者累旬病劇割股和藥籲天祈代竟不治時氏年二十四哀慟不自勝踰五月遺腹生子夫兄素無行利其貲欲嫁之氏曰此豈人所言乎當卽死趙氏牖下莫我覲也夫兄終不悟忽昏瞶見其弟俯跪牀驚走痛自責不復敢言自是寒燈孤幌十指艱辛教其子光祖就外傳訓之成立後夫兄客死於杭氏命子渡江收骨歸葬絕不餘姚縣志

卷二十五

列女傳二

國朝五

計前日事當世賢之卒年六十二道光元年 旌

關幽錄

勞渭川妻王氏性端摯熟諳忠孝義烈事舅病膈久且卻飯不御醪醴湯餌倚氏若左右手量水稱藥不假媪婢視食稍進乃返私室食易寒暑脇不貼席者凡四年嫡姑徐繼病弱庶姑張病駮王往來問視二姑前參朮不繼腕簪珥益之前後凡七年執重喪抱奇痛形毀骨立泪漬繁榻者如一日及渭川卒家日落乃躬操作虔庀家事教子成立鄉里頌女憲者必曰何如王氏賢其沒也沐浴更衣作偈有生平無闕行含笑入黃泉句

關幽錄

胡炎妻樓氏炎監生氏幼敏讀孝經列女傳卽上口歸胡孝事舅姑以先世莫氏有母範命其子聚奎建賢淑祠奉



莫氏粟主斯夕展謁並鐫家訓於壁俾子姓咸知所規  
復建節孝祠祀族之守貞以沒者生平未嘗佞佛尼姑香  
火戒勿入耳嘗約其築里子婦胡望謁祖廟躬灑掃庭除  
以爲常慮後難爲繼集輸金增祀產以供祀事使無缺家  
故豐躬行節儉閭里稱女憲關幽錄

史上哲妻黃氏上哲監生黃年二十五歸史惟嫡庶兩姑  
在堂夫沒黃年二十七撫一子貞操自守同族某與比鄰  
令其妻朝夕往還要過其家將設計陷之黃猛省號呼得  
免族人嘉其節爲痛懲某斥出族黃家本中人產勤操作  
能增益之卒年八十一關幽錄

岑瑞封妻余氏年二十七而寡父母欲奪其志不從鞭之  
餘姚縣志 卷二十五 列女傳二 國朝六

流血且與之絕有周之者余堅辭不受以節終乾隆府志參關幽錄  
任氏殿臣女也夫無行氏屢泣規之弗改後且與盜往來  
盜窺任有姿媚夫以金帛欲私之任矢志不從一日盜將  
入逼之投繯死東山志

徐章明繼妻龔氏慧而賢樂施與居學宮後建齋堂十餘  
間有餘產三十畝歲收爲粥糜每冬月入堂中命婢僕持  
瓢以贍窮民遇大寒雪多製棉衣衣貧者石魏橋圯龔捐  
葺之兩岸五百丈砌以石修路四達皆至數十里遠近便  
之子婦楊氏亦以匱田施賑生五子長景范自有傳徐譜  
胡烈婦盧氏居金鎖橋字胡縈子夫性孝親病日侍湯藥  
以勞卒盧聞訃絕粒三日自縊以殉邑人邵對朱黎等上



其事道光三年旌

胡韶一聘妻盧氏幼嫻禮教比長端莊靜一問名未幾而韶一病亟以諺有遇喜則愈之說父遂擇吉送之中道聞韶一訃送者欲返盧泣曰今日之事業承父命必往視斂入室馮屍哭盡哀服衰如制斂畢父將趣之歸盧大哭曰兒入胡門爲胡氏婦矣義不返父難之舅亦再三勸詢盧齧指出血誓無二志因聽之時年十九侍舅姑惟謹終身卻紈綺屏脂粉躬勤紡績冬夏無閒足不踰閭外者數十年鄉里欲上其事盧力止之道光三十年旌

朱周氏周陳村人適上虞朱某年二十夫沒其姑夫之繼母也哀之與同臥起十八月產一男姑告眾曰信也老婦餘姚縣志

卷二十五

列女傳二 國朝十七

朝夕守視維謹兒始沒時姪四月矣婦孝天或者生是以昌吾宗眾聞無閒言繼姑有子甚駭其婦黠而狠利周產毀於眾曰兒吾夫出也周聞翦髮自誓抱兒號於姑曰夙蒙大人愛養是兒幸終愛憐之妾將懇諸帝姑乃集族人摔其子前日咄刺汝臂亦啟逝者棺歷血驗之不如若言將斬若夫婦頭夫婦懼俱引伏遂析產而逐其子婦周毀容鍼作奉養尤謹二十餘年姑沒喪葬盡禮叔產蕩盡窮困以死婦亦死二子俱夭遺一女周喟然曰善惡自有報姑惟一子爲未亡人故乃至此吾不收卹何以見姑地下遂葬之撫其女如己出氏所生之兒長宛然父也

張義年  
紀略

蔣思銘妻胡氏賡揚女年二十歸思銘纔彌月思銘客烏



鎮又月餘病卒旅邸訃至胡哭之慟念姑老家貧奉侍無人乃飲泣日夜紡績以供膳立嗣爲夫後越十年積勞疾卒臨沒對姑涕泣不止廢揚哀其志節作詩憫之邑人士多有挹其芳者彙梓之名曰松筠吟

松筠吟序

沈古愚妻顏氏素端默躬經織事姑婉愉承歡古愚官夜郎顏奉姑不隨任姑得怡怡以享遐年有妾吳氏先卒遺子二俱稚顏撫如己出以底成立親鄰告急必百方周濟卒年六十六里媪多環泣焉以子煜官

贈孺人

濟山志

史在藻妻毛氏歸史五載夫亡其孤又殞毛年二十母將嫁之毛泣謝曰夫子屬纊以保孤奉姑見託今天奪吾孤吾將疇依然吾亡誰爲奉吾姑者於是紡績奉姑守節垂

餘姚縣志

卷二十五

列女傳二

國朝六

三十年姑卒哀毀不食死

闡幽錄參史譜

沈琴貞杭州沈壽女也與兄玉亮事後母以孝聞年十五受陳琪聘及請期而琪死琴貞默不一言潛易編衣久之媒妁屢來女聞之怏怏抱疾未幾增劇父兄聞之淒然曰兒死矣幸毋毀我木兒玉亮曰妹將同穴乎女曰是在父兄矣越數日卒時年二十有一

姚江事蹟參歸安翁燧詩序

史氏三孝女長橋姑次懋姑三瑞姑父斐章精兒醫爲人樸懋母邵氏生橋欲勿育鄰媪收之及長默自痛思立節自拔女流奉二親至孝兩妹化之共誓不字以養父母父母卒三女號慟不食誓以死殉兄阻之不遂乃奉父母主於內寢設几筵朝夕致奠飭身謹嚴雖兄至常隔幔語不



輕入室

半霖  
史譜

徐漢臣妻宋氏年少而寡或逼之改嫁氏曰婦人之義從一而終無恥之行吾不為也引刀斷指血流暈絕自是無敢復言卒全其操撫孤長成

徐譜

愛玉失其姓氏幼讀書通翰墨為慈谿緒山廟祝胡三養女胡嬪有穢行欲并汚玉玉防身嚴莫敢犯嬪毒撻之不為奪有村媪能墮胎嬪羨之強玉寫其方不應又毒撻之玉泣攜鉤筐若為采桑也者過鄰姥謂其事姥留之食將偕歸為解於嬪玉以為無益竟投江死閱三日出其屍面如生時為嘉慶十五年五月十日玉年十有九

寄龍  
丙志

胡慎妻華氏歸胡不數年夫沒遺孤方二齡或私唱之華

餘姚縣志

卷二十五

列女傳二

國朝九

正色曰未亡人知勤修內行耳外事有伯叔在膝下有呱呱者在更有何憂而蒙代感耶唱者慚退伯叔與析產不無肥瘠弗與較遺孤少長以慈母兼嚴父性沈靜寡言笑而事上接下一出於和諱舅疾革躬侍湯藥不解衣帶者將一月後華晚年不豫子侍奉亦如之人以為孝養之報

咸豐五年

旌

胡譜

馮子勤繼妻諸氏鳳藻女也年二十三歸馮未而月夫沒撫前室子金生若己出比娶婦後乃泣稟祖姑與姑曰婦幼失怙無兄弟母年老誰與奉養今金生有室得代婦侍奉婦請歸養母祖姑及姑感其意許之時母家中落諸以鍼糲補甘旨執爨澆廁代母勞每歲數歸馮覲祖姑與姑



輒訓子婦使孝養弗失尋母病劇諸調湯藥目不交睫衣不解帶者踰四旬及沒殯斂諸事悉諸持之當母未病諸已抱病至是所夕服勞重以哀毀遂卒生平喜讀易並五七字句見有烈婦貞女事輒手錄之

胡傳先妻施氏未嫁時傳先外出不知所之舅令氏父改字氏堅不可舅感其義跡傳先得之強之歸遂迎氏於家時氏年已三十有一台婚未旬日傳先又出不復返舅姑亦相繼逝氏煢煢隻影之死靡他日以紡績爲事或勸以傭作泣曰薄命人深閨獨處猶恐有外議可爲人傭乎辛年六十

史三和妻潘氏年十餘歸潘昏甫旬餘夫商於外歷十月餘姚縣志  
卷二十五 列女傳二 國朝三  
抱疾歸尋死潘矢志守節舅某強以非禮潘不可未告人也宗黨覺之爲斥其舅舅終不悛將移潘別室潘懼不測遂縊卒年三十

史義春妻章氏年二十五夫故舅姑早世祖翁尙存家貧子幼章守志不二終歲不聞笑語聲越數載祖翁年六十八臥病二載百計醫療資無所出鬻衣飾不稍吝病益劇卒以刲左股煎湯飲之而起得延十年氏卒年四十八鄭玉意幼聰慧年十餘母王沒女哀毀誓旃雙目因之失明父存禮諭曰死於母何補不死猶可助父撫弟妹始稍稍節哀然已成心疾世父存義官四川父往依焉未幾皆卒於川計至女一慟幾絕第靜厚欲奔喪苦無貲貸於戚



黨得三十餘縉徒步適川嚴冬冰雪足爲之裂及柩歸女  
悲號嘔血幾斃結廬柩旁風餐露宿者三年至四肢痿痺  
卒年六十三

王英兒蘊山女也年十六字楊理未行而理沒女聞訃絕  
而復蘇者再數日不食父母力慰之對曰女子當從一而  
終若從夫地下則與父母永訣爲不孝願請踵楊門守志  
不可得遂矢志養父母不改嫁越三載竟以嘔血死

方鳳姑父志誠早沒家貧無兄弟母胡老且多病不能親  
操井臼女守貞侍養終身不字卒年五十六歲又有貧女  
史香姑旣字聞其夫嗜鴉片屬媒譴止之夫因之得疾卒  
香姑悲感遂至夫家守志咸豐季年以節終

餘姚縣志

卷二十五

列女傳二 國朝三

邵七姑兩淮海州鹽運分司附貢生步瀛之女幼讀書解  
大義字淡河堰胡氏子未昏夫卒七姑欲奔喪請之胡氏  
堅不允有勸其父別字者七姑聞之輒誦兩柏舟之詩曰  
我心匪石不可轉也曰之死矢靡他云云父亦弗奪其志  
從此長齋奉佛手書金剛等經在家諷誦終身未嘗涉庵  
寺咸豐元年題 旌完貞盡孝

史元春妻袁氏性柔淑年十七歸元春三載元春病篤刲  
左股以救不效越十年姑又病篤復刲右股和藥疾得愈  
卒年七十五縣表其閭

沈勳繼妻羅氏夫沒矢志撫孤不苟言笑能知人同里傅  
某貧甚幾陷於匪僻羅曰是迫于飢寒耳周之卒爲善士



卒年九十四以孫文煢官 贈宜人

景銓之妻趙氏隨銓之官遂昌咸豐八年粵寇陷遂昌銓之拒賊被戕趙聞夫遇害挺身罵賊死明倫堂階下女守姑一作姑被逼罵賊尤甚賊支解之至今陰雨血痕猶見海鹽朱承弒爲作景貞女血影石歌詳軒續錄戴龍光妻應氏鳳山女也龍光貢生應年十九母病刲股和藥獲瘳既歸戴舅姑先後病皆刲股療之

董烈婦吳氏仁和訓導殉節麟書女適仁和優廩生董慎言咸豐十一年賊圍省城吳謂不幸事急婦女當死男子應避禍以延宗嗣與婦婦朱共指庭前井爲葬身地小姑完聞之亦誓同死城破吳促其夫侍舅姑挈子姪行身偕餘姚縣志 卷三十五 列女傳二 國朝主

完及朱謁家廟二人先起赴井吳趨至見井隘不能容急歸寢自經子女僕婦環哭斷其繩覆其衾踰時蘇復取己髮納口中子女奪之卽力疾命長子掖至中庭俯井長號薄暮潛率二女赴河濱見姑攜朱所出女先在吳再三言老母非幼婦比無自苦且若兩子何不聽乃命三女持其衣卽躍於河姑慟而下救之女得免視吳屍已沈忠義錄麟書第四女名岳蓮隨侍仁和學署賊入持刀脅之哭罵不從被戕

潘大姑廷國女年十八時父患病在牀兄嫂一月俱亡母丁過悲雙目失明弟甫三齡姪未周歲女上事下撫矢志不嫁謝三姑監生承遷女年十九母盧沒父多病兄紀有



足疾弟增生如松尚幼女矢志不字終身奉侍至父沒凡三十七年無倦容

闕幽錄

毛瑞照妻宋氏序東女也年十四為父病割股歸瑞照四年姑周病不起氏又禱神割股夫故年二十二咸豐十一年粵匪犯境避難於山遇賊氏抱繼子文高投崖下荆棘

中得免守節二十二年沒年四十四

闕幽錄

蘇烈婦毛氏文照女寄寓嘉興嫁商人蘇宏開以賢著咸

豐十年夏賊至毛慮受辱遂縊

忠義錄續編

宋運昌妻孫氏調元女父病割股以療粵賊至孫有九旬祖姑臥病在牀貧不能避賊擄其子去祖姑驚死孫悲憤罵賊殉祖姑柩側年五十四鄭思堂妻葉氏向榮女母胡

餘姚縣志 卷三十五 列女傳二 國朝三

病割股以療年三十夫沒粵寇至赴水賊以槍刺死年四十八徐廷標妻陳氏載良女割股療父既歸徐舅失明姑患瘋朝夕侍奉歷久不怠年三十六夫沒守節二十五年

卒 闕幽錄

呂科成妻褚氏諸生漢光女嘉慶七年舅病褚割股獲痊夫病褚亦割股以進卒無效年三十守節同治元年避粵寇於崔陳路賊至大罵不絕被火焚死年八十七

闕幽錄

夏舜佐妻華氏夫沒家貧矢志堅守舅病割股和藥病獲愈無子撫姪為後又夏舜孝妻徐氏歸夏數月而寡遺腹一子誓不再嫁與華台爨並以紡績養舅姑課子讀尤嚴

後並成諸生事聞 旌如例



張長圻妻趙氏康年女夫被粵賊擄赴水死氏於蘆葦中  
覓屍草葬旋避于山遇賊逼赴水賊以矛刺其頸而去賴  
救得生時年二十六孝事舅姑姑趙病危割股療之矢節  
撫孤鄉里稱賢沒年三十七

闡幽錄

張元震妾陳氏年十七歸張三載連舉三子夫病危割股

和藥以進卒不起一慟幾絕奉孀姑經營窶窶如禮撫諸

子成立里仰賢之光緒十五年

旌先後以割股愈姑者曰徐邦寧妻孫氏蔣

錦文妻施氏並乾隆時人曰王本誠妻謝氏道光時

人曰葉蘭芬女名十一姑時失攷。四人見闡幽錄

楊清盛聘妻施氏建之女也年二十五嫁有日而夫死慟

絕誓不再嫁後富室來議婚輒嗚咽不食父母不能奪竟

歸楊守節家屢空持十指孝養舅姑不佞佛不預燕布衣

餘姚縣志

卷三十五

列女傳二 國朝五

蔬食泊如也同治元年四月遇賊恐受辱赴水賊以矛刺

其腹死年三十呂素玉諸生清標女幼字張氏子張殤女

誓不改字同治元年八月遇賊強污不從赴水死越數日

斂之面如生年二十九

闡幽錄

沈運行女四姑粵寇至母張方病危兄宏孝議奉母避海

島四姑止之日母氣息奄奄朝不慮夕加冒霜露是速之

死也在家猶可希冀萬一未幾賊烽逼四姑促兄遠颺而

自誓守母其存亡賊入見四姑逼之大聲罵賊賊怒甚烙

之徧體焦灼肉盡脫猶罵不絕口賊斫之死年十八

沈譜

胡錫齡妾王氏粵寇擾及村王竄匿祖祠有先匿別室者

族大婦行也賊至掠得王先匿者惟聞賊咆哮聲王醜詆



聲久之賊退視王屍被焚成灰燼首擲數十武外面血模糊頂盡禿旁有斷髮如飛蓬慘不忍睹時王年二十二光緒十五年 旌

沈擊珠職員福高女幼習詩書耽吟詠粵寇擾境擊珠方及笄未嫁嘗有句示弟妹云我是山中泉肯爲時勢纏治亂時難測清濁泉有權賊至隨父避難道逢賊均被擄求脫其父賊不允且欲就污女伴曰前村有住居不如偕至其處賊遂擁而行中道得閒誑賊投河死年二十二

顧烈女諸生大猷女字楊姓同治元年粵寇掠西鄉夫家欲迎女至甯郡女時居母喪不可賊至避難坎墩家人並被擄賊豔女貌擁上馬女號泣不得脫偶臨河賊不及防餘姚縣志 卷二十五 列女傳二 國朝五

躍入河賊以槍擊斃之年二十三

黃聖範妻魏氏夫客死漢陽家甚貧魏積紡績貨運樞歸里矢志不二粵寇陷四門從鄰媪避匿圖南廟魏素寡言笑是日忽大笑曰可笑徧地百姓皆怕死只須十人殺一賊管教殺盡瘟毛亡何賊至徧括匿者身畔財物及魏大罵之賊怒以刃刺喉死半月得其屍面如生年二十八陳烈女冬梅雲樓鄉丁春堤家婢鄂產也年十二鬻於丁性孤默不苟言笑丁寡媳周特愛憐之女亦依周若母年漸長丁欲爲擇配女固辭強之則泣如是者數四丁知其誠遂不復議同治元年粵寇焚掠及馬渚女守室不肯行爲賊所獲欲污之女怒誓遁以刃知不免乃給曰緩我當



聽命賊縱之奔投河賊怒殘之年三十二

黃天錫妻張氏同治元年粵寇陷衛城夫死難時氏年二十八賊入宅強逼之矢口大罵賊烙其體無完膚誓死不從賊舍之去得不死教子維垣有義方茹苦十餘載子賴以成人卒年四十六

姜清涵妻史氏年二十二而寡嗣夫兄子爲裳爲子勤儉持家擴充先業姜姓始祖墓旁有他姓田五畝餘形家謂攸關祖墓來龍史氏獨出重貲贖歸助入始祖祭產以杜後患咸豐季年粵寇入姜邨史氏以患風不能避賊將犯之大罵力拒賊不能逼以刀斬其手而去後敷傷藥漸愈卒年五十四

餘姚縣志

卷二十五

列女傳二 國朝美

徐如意監生舜水女幼字施鴻世貧未娶沒徐年二十八聞訃欲殉父母勸止之請歸施守節姑邵早世舅初未之許嗣聞舅病危遂歸施侍奉旬餘舅沒盡哀盡禮無伯叔可依仍歸母家紡績度日母毛患瘋賴女夙夜孝事胡溫姑良能女住燭溪戴家堰幼字魏將及笄夫沒誓不再適紡績度日蔬食布衣善事老母沒年五十七

闕幽錄

徐英姑啟宇女幼聰穎善女紅事親孝母馮蚤沒姑已字李滄海李家中落無力迎娶有仇滄海者因其貧屢進讒於女父女聞憤甚覩父外出沐浴更衣自經死年二十三

闕幽錄

湯雲香監生祖孝女字曹葆寅未行夫沒女聞訃絕粒以



殉時年十九光緒十四年

旌闈幽錄

高烈婦鍾氏高家畷人夫某以飲博罄其家乃徙東門外為翁氏守祠旋暱惡少謀鬻鍾鍾誓死不從乃詭以返故居誘之行至半途鍾覺奔黃山橋投河死年二十五

闈幽錄

胡誠妾蔡氏性喜施與里鄰告匱無弗應有傭婦施忠愍邦曜嫡裔也諗知忠愍祀田久質於人蔡貸以錢贖得半忠愍春秋家祭始略備又誠妾錢氏尤諳女誡夫沒茹素終身虔祀其先雖蔬果必薦子增貢生德輝既與昆季異居錢課之學為屏絕塵慮歲需出入輒由內僕上計於錢錢躬自料量歷四十年終不以撻德輝心德輝得舉力著述錢為之也方六十時移其壽賞葬外家兩世又多施與

餘姚縣志

卷二十五

列女傳二 國朝七

與蔡埒里爭推賢母焉卒年七十三

姜恆初妻黃氏孝先女也年二十八夫沒即欲身殉親族責以舅姑與夫柩未葬乃勉強就食紡績五年積數十金藁葬舅姑及夫畢即投繯死年三十二光緒八年 旌又

胡聯藻妻陳氏聯藻監生陳性淑愼年十九歸胡勸夫力學結褵四載夫死日夜哭泣淚繼以血絕粒而亡時年二

十三光緒十四年

旌闈幽錄

張傳銘妻徐氏幼時能得父母心歸張未久夫即患病徐侍奉湯藥歷一載餘無倦色夫沒徐誓不獨生時方在孕姑與父母互勸為嗣續計月餘果得一子徐復大慟曰吾今可死矣遂呼號數日絕粒而亡距夫死甫五旬年二十



二光緒十七年

旌

闡幽錄

蔣同型妻盧氏長興訓導豫女也年十九歸蔣事繼姑及繼姑子孝謹曲至越三載夫嘔血死時方娠哭弗止其母諭以保孤大義乃收淚矢曰男也當與俱存不者從夫死耳及期生女復大哭絕食數日而沒距夫死甫七旬周美祥妾余氏歸未數月夫死余痛不欲生踰年葬其夫臨穴一慟歸自縊死

何愛娥議敘鹽運司運同其清女年十四侍父病衣不解帶月餘無倦容及終父喪兄賡鴻以鹽大使宦粵東母老道遠不能就養女立志不字以奉母有議婚者輒峻拒之嘗爲母病割股母沒喪葬盡禮畢不食死年二十六歲又

餘姚縣志

卷二十五

列女傳二

國朝三

王烈女江蘇候補知縣魏恭壽女幼字上虞王光祖稍長父母卒女依庶母姚未婚而光祖沒女毀容變服號痛欲絕自請於從父昌壽願歸王不獲命以死自誓昌壽哀之介媒達於王議未決昌壽以事將遠行女撫膺大慟曰叔去誰爲主者吾志不得伸矣遂閉戶仰藥死距光祖之沒三旬歸柩於王合窆祖塋

褚采章妻周氏年二十餘喪夫家貧傭於開原鄉楊氏得直以養其姑傭所距家二十餘里月必市甘旨歸省姑姑中翬廁踰常身自澣洒夜則其臥以爲常見者疑爲母女久之姑死乃以所積傭貲營舅姑及夫葬夫弟某亦苦貧中歲無子以傭貲助之買妾傭楊三十餘年沒於楊又有



李佩玖妻潘氏諸生枚女年二十一歸李六載夫沒潘誓  
殉先後服瀕及鴉片並經旁人救甦家奇窮宗黨無期功  
可依潘撫幼女刺繡餬口年三十八卒里重其苦操  
孫時桂妻胡氏龍泉鄉筭隩村人嫁未十月夫溺死時氏  
年二十四貧甚母諷改適矢志不奪夫遺一笠常珍之或  
欲售其笠胡曰夫死笠存千金不易笠可售夫可背耶卒  
不售自是無敢復言嫁胡者

陳鍾馥妻蔣氏監生鑣女事太姑金姑宋以孝聞金善病  
氏晨夕侍側熨貼微不至金尤愛之如子勗夫學時有斷織  
風父居市近氏宅嘗患胃逆氏日必手調糜粥奉之餘十  
年如一日胃疾得稍痊鄰儒家子鄭某垂老失業至與乞  
餘姚縣志

卷二十五

列女傳二 國朝元

人伍氏閔其失所辱先人言於夫衣食之六年不倦至脫  
簪珥贈貲使習手藝得積貲爲身後計沒年三十三

趙春明妻胡氏諸生仁溥女以割股療父諸生韓壽椿妻  
陳氏議敘州同載煒女亦以割股療父

馬烈女監生有鑣女也幼喪母哀泣若成人父再娶乃不  
復泣祖母異之問曰汝忘爾母乎女曰哭死母如生母何  
由是事繼母得歡心年十七字同里俞欽永未婚而夫亡  
女聞訃飲泣卽除簪珥服緇衣志在奔喪父窺其志堅致  
意俞氏舅姑難之約以十年女曰十年之約觀我志耳有  
議婚者輒力拒私吞金約指遺出不死後媒者踵至自經  
餘姚縣志 卷二十五 列女傳終

光緒重修



